









DISSERTATIO INAUGURALIS

De

FORO COM-  
PETENTE, TAM  
COMMUNI QVAM  
PRIVILEGIATO.

QVAM

DEO OPT. MAX. CLEMENTER

ANNVENTE,

EX DECRETO ET AVTORITATE,

AMPLISSIMI IURISCONSULTORVM

ORDINIS IN ILLVSTRI

IVLIA.

SVB PRAESIDIO

*Amplissimi & Consulessimi Viri,*

DN. IOHANNIS LOTICHII

ICti, Pandectarum Professoris Ordinarii,

& Facultatis Iuridicæ p.t. Decani, Dn. Prae-

ceptoris ac promotoris sui

honorandi,

PRO SVMMIS IN VTROQVE IVRE PRIVI-

LEGIIS ET HONORIBVS DOCTORALI-

BVS CONSEQVENDIS.

*Publicè examinandam proponit*

IOHANNES Mehlbaum Hannoveranus.

IN NOVO IVLEO

Ad diem 10. Novembr.

Horis ante & Pomeridianis.

HELMÆSTADI,

Typis HENNINGI MULLERI, Acad. Typ.

ANNO MDCCC XL.

*Pub. 20. Num. 3.*

*1640/10*

*19*

*P. 146,*











## Thesis I.

**D**E Foro Competente quæ instituitur dissertatio ad quatuor summa capita referri commodè potest. Primò ut vocis Etymologia notetur, & quid Forum significet; Deinde quid sit Forum Competens, & quorum respectu ita dicatur: Præterea quotuplex illud sit: & tandem quot sint causæ quæ illud constituent.

### II.

FORVM à FERENDO dicitur, quod res tam controversæ quam venales in illud ferantur *Varr. lib. 4. de Lat. ling.* Dicitur etiam Forus, quamvis minus frequenter, minusq; ut nonnulli putant, latine *Vesemb. ad tit. C. de Idist. n. 78. Vnde Parlador. 2. rer. quotid. p. 2. §. 3. fol. 415. n. 29.* arbitratur, vocem hanc in masc. gen. bonis Autoribus non sumi pro loco iudicij, adducens, locum ex *Virg. 6. Æn. & Cic. de senect.* ubi Fori denotant tabulata navium, *Hillig. ad Don. p. 2. lib. 17. cap. 9. A.*

### III.

Duplex autem Fori significatio colligi ex ante adductâ ejus etymologia potest. Vna vulgaris, qua denotat locum in quo res venales seu merces exponuntur; vocatur aliàs Forum venale seu negotiatorium *Coras. ad l. 1. de O. l. quò pertinet l. 7. §. 2. deposit. & l. ult. ff. de curat. bon. dand.* ubi foro cedere dicuntur Mensularij, qui negotiationes & tabernas in foro positas deserunt. Altera specialis & iuridica,



quã sumitur pro loco, in quo litigantibus jus redditur, diciturque Iudiciale: Hinc jus Fori, præscriptio fori, id est, exceptio fori declinatoria, *l. 7. pr. qui sat. d. cog. l. ult. C. de except.* item, foro interdicere, i. e. postulationem & procuraturam prohibere *l. 9. §. 4. de pœn.* & similes locutiones.

IV.

Forum itaque Iudiciarium, (de quo hîc nobis sermo est) nihil aliud est, quàm locus litibus exercendis, iisdemque componendis destinatus, vocaturque in jure nostro modò Tribunal, modò Curia, modò Auditorium &c. *l. pen. de Inst. & Jur. l. 1. de iudic. l. 14. C. eod. l. 35. de procur. l. 40. de reb. cred. l. 54. §. 1. de re ind.* Dico, Litibus exercendis; quæ enim sunt voluntariæ Iurisdictionis, ut manumissio, adoptio & emancipatio, ad certum locum adstricta non sunt, sed ubivis locorum exerceri possunt *§. 2. Inst. de libertin. Vult. ad l. 1. C. de iurisd.*

V.

FORVM COMPETENS est locus, ubi actor reum convenire potest, ita ut reus exceptione declinatoria uti nequeat. Dicitur verò competens tam ratione Iudicis, quàm ipforum litigantium, & præsertim Rei, diverso tamen respectu: ratione Iudicis quidem activè, quatenus is jurisdictionem exercet & litigantibus jus dicit: ratione verò Rei passivè quatenus is ibidem conveniri potest. Hoc FORVM COMPETENS; illud COMPETENTIA IUDICIS seu IURISDICTIONE appellari solet. Et esse hæc maximè distincta satis docet inscriptio *tit. 13. lib. 3. Cod. qui est, DE IURISDICTIONE OMNIUM IUDICVM, &, FORO COMPETENTE.* quamvis de Iudicis competentia seu Iurisdictione ibi perparum, plenius verò & ex professo de eâ in *ff. lib. 1. & 2.* agatur.

VI.

Competentia Iudicis æstimatur ex jurisdictione, ei concessâ; quæ tribus limitibus circumscribitur, intra quos si se contineat, nec eos evagetur, Competens, sin  
mi-



minus, Incompetens Iudex dici solet. LIMITES autem illi sunt: LOCUS, PERSONA, ET CAUSSA. Neq; enim omni in loco Iudex jurisdictionem suam exercere; neq; in loco maximè suo de omnibus causis; neq; in loco suo, causis-que ad jurisdictionem suam aliàs pertinentibus quasvis inter personas jus dicere potest. Solus tamen locus aut persona aut causa non sufficit, sed tria illa simul requiruntur ad fundandam iudicis alicujus jurisdictionem. Vnum enim eorum si desit, impunè iudici, tanquam incompetenti non paretur *arg. l. ult. ff. de iurisd.*

VII.

Et hi quidem limites in magistratu, qui subordinatum & inferiorem iudicem non habet, sufficiunt. Quod si verò eidem adhuc alius subsit, addendus erit tertius, ORDO scilicet, qui citato invito subverti nequit. Quoties enim inferior magistratus adeundus restat, toties superior competens dici nondum potest, nisi reus exceptione fori non utens in eum tacite aut expressè consentiat, e jus-que jurisdictionem anteverti patiatur, *Vult. ad l. 1. C. de Iudic. omn. n. 158.* Id quod fieri non intelligitur tum, quando actio & libellus edi postulantur *l. 33. ff. de iudic.* (propterea enim illa editio postulatur, ut sciat reus, sitne contendendum nec ne, & an etiam ratione causæ propositæ iudex competens sit) sed tum demum consentire videtur reus in iudicem non suum, quando exceptiones & defensiones proponit, omisà fori præscriptione, *arg. l. 52. pr. de iudic. Vult. d. l. n. 155.* Verùm sicut hoc, quod respectu Iudicis Forum Competens dicitur, à nostro instituto est alienum, ita quoque verbo tantum id attigisse sufficiat.

IX.

Forum respectu litigantium quod Competens dici solet, ex persona Rei æstimatur, ita ut Actor forum Rei sequi cogatur *l. 2. C. de Iudic. omn. iud. l. fin. C. ubi in rem act.* Quæ tamen regula suas admittit exceptiones, veluti in





personis miserabilibus quæ agentes reum ad suum forum trahere possunt *t. t. C. qui Imperat. int. pupill. vid.* item in Ecclesia, quæ sacrilegos laicos coram iudice Ecclesiastico convenire potest *c. cum sit generale, 8. X. de for. comp. & aliis casibus, uti apud Bart. Felin. & Sichard. ad l. 2. C. de Idist. videre est.* Cumque interdum dubium sit, quis actor, quisve reus, præsertim in quæstionibus status & iudiciis duplicibus, distinctione res erit expedienda, ita ut is, qui ex servitute in libertatem proclamat, actoris vices sustineat, & forum Domini sequatur: Is contra, qui in possessione est libertatis, & quem Dominus in servitutem revocat, rei loco sit, ejusque forum Dominus sequatur, nisi dolo malo libertatem asserat, tamen enim pro actore habetur ad eum effectum, ut libertatem probare cogatur. *l. 7. §. fin. ff. de liber. caus. l. 1. 2. 3. & 4. C. ubi caus. stat. l. eam que 21. C. de liber. caus.* In duplicibus iudiciis etsi uterque & actor sit & reus, quia singuli partem petunt, & pars à singulis petitur, *l. inter 44. §. qui fam. l. 4. ff. fam. erisc.* quoad hanc tamen materiam is erit actor, qui primus provocat; quod si nec de eo constet, forte is erit dirimenda *l. 2. §. 1. ff. comm. divid. l. 13. & 14. de iudic.* & hoc est quod *in l. 29. ff. eod.* dicitur: qui appellat, prior agit.

#### IX.

Forum Reus habet vel COMMUNE, VEL SINGULARE ET PRIVILEGIATUM. Illud sortitur quatuor modis: vel (1) RATIONE DOMICILII; vel (2) OBLIGATIONIS CONTRACTÆ; vel (3) REI SITÆ, de quâ agitur; vel denique (4) EX CONTINENTIA CAUSSÆ.

#### X.

DOMICILII appellatio juris est non facti, unde Ictus *in l. 17. ff. ad munic.* sola, inquit, domus possessio, quæ in aliena civitate est, domicilium non facit. Neque enim sufficit ad forum domicilii fundandum domum alicubi habere, nisi quis eorundem etiam iurium cum reliquis eius loci civibus particeps & aliis rebus ad rem familiarem pertinentibus instructus sit, de quibus in seqq.

#### XI. Do-



XI.

Domicilium hoc olim duplex erat ; **COMMUNE ET PRIVATUM.** COMMUNE dicebatur Roma *l. 33. ad munic. Corn. Nep. in vit. Pomp. Att. pr.* eò quod omnes imperio Romano subiecti, civitateq; Rom. ab Imperatore Antonino postea donati, *l. 17. de stat. hom.* Romæ, si ibi invenirentur, conveniri poterant *Don. 17. comm. 13.* iis exceptis, qui domum revocandi jus habebant, ut Legati, & illi, qui ex necessaria aut probabili causa Romam venerant *l. 2 §. 3. de indic. ibiq; Costal.* modò Legati non in ipsa legatione Romæ aut alibi, id est, extra civitatem aut provinciam suam, reliqui vero tantum Romæ omninò non contraxissent *l. 2 §. 3. 4. & 5. l. 25. de indic.* aut etiam deliquissent, *l. 20. l. 24. l. 42. ff. eod. d. l. 2. §. 4. & 5.*

XII.

Interdum tamen Legati utut Romæ legationis tempore contraxerint, ibidem conveniri propterea non poterant, veluti si Romæ hereditatem adiissent *l. 26. ff. de indic.* quo casu tamen satisfacere cogebantur, aut pati missionem in possessionem rerum hereditariarum *d. l. 26.* Sic quamvis quisque ubi agit, ibidem quoq; defendere se cogatur *l. 22. eod.* Legati tamen, si suam suorumvè injuriam persequantur, quam ex. gr. Romæ sunt perpassi, non cogantur se defendere si ibidem reconveniantur; ne aut impunè contumeliis & damnis afficiantur, aut in potestate cujusvis sit, pulsando eos subicere jurisdictioni alterius dum se vindicant *l. 2. §. 5. vers. sed essi agant, de indic.* uti neque ex constituto quod in legatione constituit, Legatus, Iudicium in loco constituti suscipere tenetur *l. 8. eod.* quoniam in Constituto id agi cœnetur, ut posterior obligatio ejusdem sit conditionis cum priore *l. 33. pr. de donat* secus, si ipsa principalis obligatio in legatione inceperit *l. 5. §. 1. de const. pec.*

XIII.

Quod si dubitetur, utrum causa ejusmodi sit, ut ex ea domum revocare Legati queant, iudex de ea cognoscere de-



re debet; & si constiterit eam subesse, cavere oportet Legatos non quidem fidejussoribus sed nudâ tantum promissione, iudicio sese staturos in sua provincia, die à Prætorè dicto *d.l.2. §.6. de iudic.* In actionibus verò temporalibus, si periculum sit, ne dies exeat, litem contestari Romæ coguntur *l.28. §.4. eod.* ut litis contestatione actio perpetuetur, nec illorum privilegium aliis sit damnosum, Et hoc est quod in *d.l.2. §.7. de iudic.* dicitur: In omnibus, in quibus protelatur admonitio (i. e. differtur libellus seu actio) hoc procedere sine temporali damno creditorum oportet.

XIV.

His ergò exceptis reliqui Romæ, si ibi invenirentur conveniri olim poterant; idque in statu reip. tum temporis purè ferè monarchico factu fuit facillimum. Verùm ex quo alia cœpit esse facies imperii, ob summa jura Principum in usu esse desiit supra dicta fori observantia ac necessitas; adeò ut hodiè processus in Camera Imperiali, inferiori iudice præterito, impetrati, sint ipso jure nulli. *Ord. Cam. part. 2. tit. 1. v. Es sol auct.* Errant ergò qui etiamnum hodiè in curiâ & aulâ Imperiali id obtinere arbitrantur, ut conveniri possit, qui ibi inveniatur, nisi domum revocationis jure ex antè dictis causis uti possit. *Matth. Steph. de Idict. lib. 1. c. 28. n. 21. Grav 1. concl. 40. pr. n. 1. Vult. ad l. 1. C. de Idict. omn. iud. n. 168.*

XV.

PRIVATVM DOMICILIVM vulgò duplex constituitur: NATVRALE seu ORIGINIS; & ACCIDENTALE, seu HABITATIONIS *l. cum neq. 4. l. cives, 7. C. de incolis.* Vbi notandum, vocem Domicilii absolutè positam, denotare domicilium habitationis, nisi sit, quod svadeat contrarium *l. 17. §. 11. ad munic. Vult. ad l. 2. de Idict. omn. iud. n. 24.*

XVI.

NATVRALE DOMICILIVM est, quod unicuique facto alterius constituitur & acquiritur. FACTVM autem illud est vel



est vel NATIVITAS, vel ADOPTIO, vel MANUMISSIO, vel  
denique MATRIMONIUM SEU NUPTIAR. Ratione NATI-  
VITATIS ibi quisque domicilium habere dicitur ubi natus  
vel oriundus est *Rittersh. ad Nov. p. 9. c. 10. n. 16.* modò pater  
ibidem natus fuerit *l. 6. §. 1. ad munic.* ut mater aliunde  
fortassis originem trahat. *l. 1. §. 1. & 2. ad munic.* ut, si pater  
Campanus sit, filius quoque Campanus habeatur, etiam si  
mater sit Puteolana *d. l. 1. §. 2.* Nam in illis quidem, quæ ju-  
ris sunt naturalis partus conditionem matris sequitur *r. r.*  
*Instit. de ingen.* aut patris jure idem fruitur in civilibus, ut in  
modo sortiendi forum, & jure civitatis fruendæ. *VVesenb.*  
*parat. de stat. hom. n. 5. pr.* nisi fortè privilegio aliquo etiam  
materna origo censeatur *d. l. 1. §. 2. Arist. 3. polit. c. 3. in fin.*  
aut partus vulgò sit quæsitus, qui, quem sequatur, patrem  
non habet *d. l. 1. §. 2. l. 24. ff. de stat. hom.*

XVII.

ADOPTIO quoque facit, ut filius civitate patris ado-  
ptivi, ejusq; domicilio gandeat *d. l. 1. pr. ad munic.* non a-  
missis interim juribus civitatis patriæ aut avitæ *l. ordine, 15.*  
*§ ius originis. 3. l. libertus 17. § 9. ad munic.* Emancipatus verò  
jura illa amittit *l. 16. eod.* Præterea & manumissionis  
beneficio libertus domicilium seu originem patroni se-  
quitur *l. 6. §. 3. l. 7. ad munic. l. 17. pr. l. 27. pr. eod.* id quod in  
filiis quoque libertorum obtinet *l. 22. pr. eod.* Ratione  
denique matrimonii contracti uxor domicilium &  
originem mariti, non suam ipsius sequitur *l. fin. §. 3. ad mu-  
nic. l. 1. n. C. de mulier. in quo loc. mut. sex. congr.* modò uxor sit  
legitima. Quæ enim contra juris regulas & ritum ducta  
est, sicuti propriè uxor non est. *§. si adversus, 11. Inst. de nupt.*  
ita nec jure mariti gaudere debet *l. 37. ad munic.*

XIIX.

Et hoc originis domicilium attendebatur tantum in  
muneribus & oneribus personalibus subeundis, non item  
in patrimonialibus & causis ad jurisdictionem pertinen-  
tibus, seu (quod idem est) in facultate conveniendi *l. 1. 23.*

B

C. de



*C. de munic. & orig. l. 6. C. de incol. l. 17. §. 4. ad munic. utq; ipsa origo est immutabilis, ita nec hoc domicilium mutari olim poterat, quò minus ejus respectu honores & onera subire quis cogereretur, etiamsi domicilium habitationis alibi forsan constituerit. l. 1. & 4. C. de munic. & orig. l. 6. pr. ad munic.*

XIX.

Ex generali verò Germaniæ consuetudine hoc non amplius observatur *Gail. 2. obs. 36. n. 9. & 10.* sed, si quis alibi quam in loco originis domicilium constituat non tantum conveniri in loco originis non potest, sed nec onera personalia ibidem sufferre cogitur *Matth. de Afflict. decis. 384. n. 6.* Imò quamplurimis in locis omnia civitatis originalis jura hoc modo penitus amittit, adeò, ut ei non liceat postea ad illum locum reverti habitandi causa, nisi aut de novo jura illa sibi comparaverit aut antea reservârit, soluto quotannis in subjectionis recognitionem aliquo censu, *Zang. de except. p. 2. c. 1. n. 75. & seqq.* In dubio tamen unusquisq; domicilium originis adhuc habere præsumitur; unde si ibi conventus mutasse se domicilium dicat, probare illud tenetur. Vnaquæq; enim res in eodem statu, in quo antea fuit, etiamnum esse præsumitur *l. ab ea parte. 5. de probat. l. cum qui 22. de probat. l. in finalib. 11. fin. reg. Zang. d. l. n. 9. & 10. Alciat. præsumt. 25. pr.*

XX.

ACCIDENTALE, seu HABITATIONIS DOMICILIUM duplex est: NECESSARIUM & VOLUNTARIUM. ILLUD habere dicuntur Relegati, qui in loco, in quem relegantur necessarium interim domicilium habent *l. 22. §. 3. ad municip.* Id quod quomodo secundum *gloss. in l. 27. in fin. eod. verb. unde arceatur,* de relegatione tantum perpetua, aut eâ saltem, quæ ad decennium est facta ad *concil. d. l. 27.* intelligendum sit, non apparet. Sanè in iis causis, quæ Procuratorem admittunt: relegati domicilium loci ex quo relegati sunt, non amittunt *arg. l. Papinianus. 20. de minor. & ita intelligenda est. d. l. 27. in fin. ad municip.*



## XXI.

**VOLUNTARIUM DOMICILIVM** est, quod quis sponte & facto proprio sibi constituit, eo animo, ut perpetuo ibi maneat, nisi quid avocet *l. cives 7. C. de incol. Donel. 17. comm. 12. Matth. Steph. de Idict. lib. 1. c. 28. n. 10. 11. & 12.* Vnde duo simul requiruntur ad constituendum domicilium; Habitatio & animus consistendi. Vt enim sine habitatione domicilium non constituitur; ita sola domus possessio non sufficit ad forum domicilij arguendum, nisi animus perpetuò ibi consistendi accedat. *l. libertus. 17. §. sola domus 13. ff. ad munic. Gædd. ad l. 203. de V. S. Vult. ad l. 2. C. de Idict.* Nihil autem refert, propria sit domus an aliena, conducta an precaria quæ inhabitatur *Gædd. d. l. Hillig. ad Donell. 17. comm. 12. lit. C.*

## XXII.

Hinc qui studiorum causa in Academiis vivunt, quia animum perpetuò ibi manendi non habent, domicilium quoque ibidem habere non creduntur, quamvis eo in loco sint nati *Rebuff. de privil. schol. privil. 122.* nisi decem annis transactis fixam ibi sedem constituerint *l. nec ipsi, 2. C. de incol.* Quod tamen non ita est intelligendum, quasi solus decennii lapsus sufficiat, (ut nonnulli arbitrantur) sed requiritur præterea factum, ex quo animus constituti domicilii colligi possit. Et hoc adeò verum est, ut in nonnullis Academiis studiosi, licet integrum vicennium vel tricennium, & ulterius ibi vixerint, uxorem duxerint, propriumque focum & ignem habuerint, forum tamen domicilii contraxisse non dicantur, ita ut coram magistratu opidano conveniri possint, nisi ex genere vitæ contrarium colligi queat, Sortiuntur autem forum coram Magistratu Academico, *qua de re infra.*

## XXIII.

Factum porro quod animum constituti domicilii arguat, Romanis erat positio Larium seu Sacrorum domesticorum *l. 2. C. ubi Senator. vel clariss.* ut unusquisq; eo loci, ubi Deos domesticos coluit & sacra privata celebravit, do-

B 2

mici-



mīcīlium sibi constituisse creditus fuerit. *l. 7. C. de incol.*  
*Zang. de exc. p. 2. c. 1. n. 22. 23. 24.* Ex quibus apparet, aliud Ro-  
manis fuisse, Fovere Larem, ab eo quod Germanis dici-  
tur: proprium habere focum ac ignem, Eignen Rauch und  
Fener halten. Nam & illi focum ac ignem alere possunt, qui  
ad tempus tantum alicubi morantur, qui tamen propterea  
domicilium ibi constituisse minus recte dicuntur, *l. 17. §. 13.*  
*ad munic. Zanger. d. l. n. 15.*

XXIV.

Nec minor ferè conjectura ad arguendum domicili-  
um sumebatur ex situ maximæ partis bonorum *l. 2. C. ubi Se-  
nator. vel Clariss.* modò aliis rebus ad rem fam. necessariis  
ibidem instructus esset, puta si familiam aleret *Zang. d. l. n.*  
*25. & 26.* Idem observabatur si quis alicubi assidue i. e. fre-  
quenter versaretur: ac foro, balneis, spectaculis aliisq; ju-  
ribus cum loci illius civibus frueretur *d. l. 2. C. ubi Senator.*  
*l. 27. §. 1. ad municip.* Vnde Mercatores iis in locis, in quibus  
mercaturæ gratia frequenter versabantur, conveniri po-  
tuisse satis arguit. *l. 5. ad municip. l. 19. §. 1. de indic.*

XXV.

Et quoniam (licet rarò ac difficulter) fieri poterat,  
ut quis rebus jam enumeratis, ex quibus conjectura con-  
stituti domicilii sumebatur, duobus in locis æqualiter in-  
structus esset, neq; uno quàm alio in loco minus frequen-  
ter versaretur, duobus quoq; in locis domicilium eundem  
habuisse Paullo, Vlpiano & Iuliano placuit, licet Labeo  
dissentierit *l. 5. l. 6. §. 2. l. 27. §. 2. ad municip. gloss. in l. fin. C. de  
prescript. long. temp. verb. inter absentes.* quo casu electio datur  
actori, quod velit sequi domicilium *arg. l. 4. de eo quod cert.*  
*Hilfig. ad Don. 17. comm. 12. lit. G.*

XXVI.

Sed hæ conjecturæ ac præsumptiones ut sunt juris tan-  
tùm, & non simul etiam de jure, ita aliis contrariis ac for-  
tioribus destruuntur *Bart. in l. si ve possidetis, 16. C. de probat.*  
*Coler. de process. exec. p. 2. c. 1. n. 40.* Ita Senatores, qui liberum  
comeatum, id est, ubi velint morandi arbitrium impetrâ-  
runt,



sunt, etsi diu alieubi morentur, non tamen domicilia ibi  
constituisse, sed pristina potius eo in loco ubi Senatores  
sunt, retinuisse præsumuntur. *l. 22. §. pen. ad municip.*

XXVII.

Vix tamen hodie conjecturæ jam recensitæ locum  
amplius habent, utpote cum ex generali Germaniæ con-  
suetudine in civitatibus passim receptum, & in aliquibus  
statuto publico cautum esse videamus, ut nemo ultra an-  
num in iis morari possit, nisi jus civitatis sibi comparave-  
rit. Idq; his exactionum temporibus observatu vel maxi-  
mè opus esse, ne quis oneribus publicis fraudulenter se  
eximat, dicit *Gail. 2. Obs. 35. n. 8.* Exinde ergo quod quis jus  
civitatis das Bürgerrecht/ acquisivit ibique habitat, firmis-  
simum constituti domicilii argumentum sumi hodie po-  
test. *Zang. d. p. 2. c. 1. n. 54.*

XXIIX.

Quod si quis jura quidem civitatis sibi compararit,  
neq; tamen ibidem habitet, si in fraudem prioris magi-  
stratus id factum sit, non tantum ibi non conveniri, sed  
nec frui quidem ejus loci jure potest. Et hoc qui faciunt,  
Pfalbürgeri (Alemannis) appellari solent, id est falsi ci-  
ves, qui in aliam civitatem adscribi se procurant, nec ta-  
men familiam eò transportant, sed in loco priori nihilo-  
minus permanent, tantum ut adversus magistratum prio-  
rem se defendere & ad novum provocare possint, si quan-  
do cum prioribus controversia illis esse incipiat. *Speidel.*  
*Notab. verb. Pfalburger Arumn. ad Aur. Bull. discurs. 6. th. 11.*  
Quæ fraus ne iis patrocinetur, constitutum est, ut novarum  
civitatum, in quas se ascribi curarunt, juribus non gaude-  
ant, sed prioribus Dominis tam ratione personæ quàm  
bonorum subjecti nihilominus mancant, pœna centum  
Marcharum auri in fugientium horum receptatores ac  
detentatores constitutâ *Aur. Bull. tit. 16. de Pfalburgeris.*

XXIX.

Et quemadmodum uxor ratione contracti matrimo-  
nii ejusdem cum marito domicilii naturalis est particeps.

B 3

l. un.





*l. un. C. de mulier. quo loc. muner. sex. congr. supr. th. 17.* ita ejusdem  
domicilium & quoad conveniendi facultatem sequitur,  
idemque vidua retinet *l. ult. C. de incol. l. per. ff. de Idict. l. 1. §. 2.*  
*de agnosc. & al. lib. l. 5. de rit. nupt.* Si verò ad secunda vota  
transeat, secundi quoque mariti domicilium nanciscitur.  
*d. l. fin. C. de incol. l. 13. C. de dignit.* Et, si maritus plura habeat  
domicilia, eadem etiam uxor habet ac vidua retinet *d. l.*  
*fin.* nisi forte vidua unum ex pluribus eligat, eodemque cum  
familia secedat, veluti quando se confert in locum ubi si-  
tum est dotalitium *das Leibgeding!* quo casu eo tantum loci  
domicilium habere intelligitur *Zang. d. p. 2. c. 1. n. 98. & 99.*

K X X.

Maritum contra uxoris domicilium sequi autumant  
*Bl. in l. fin. C. si à non comp. iud. & Zang. de except. p. 2. c. 1. n. 65.*  
quando sc. uxor maritum ad suum trahit domicilium, *wenn  
der Mann zum Weibe einfreyet.* Verum, ut videtur, minus re-  
ctè. Quod enim maritus post contractum matrimonium  
eodem utatur domicilio, quo ante uxor, id non tam fit  
propterea quod in uxorem eam duxerit, quam quod ani-  
mum perpetuo ibi manendi habeat. Itaque & hoc domi-  
cilium ex sua ipsius personâ & suo facto maritus habere  
intelligitur.

X X X I.

Vultejus ad *l. 2. C. de Idict. n. 15* duo adhuc addit domicilia:  
unum Bonorū, & alterū Beneficii Ecclesiastici,  
in quo beneficium habens residet. Quæ duo tamen, ut  
ipse *n. 16.* non diffitetur; ad domicilium accidentale seu  
habitationis commodè referri possunt. Et bonorum qui-  
dem domicilium aut ita consideratur, quatenus ex situ  
maximæ partis bonorum habitatio constituta præsumi-  
tur; aut quatenus in loco rei sitæ actio nonnunquam insti-  
tuitur & reus conveniri possit. Priori modo pertinet ad do-  
micilium habitationis de quo *supr. th. 25.* Posteriori vero ad  
forum domicilii planè non spectat, sed refertur ad genus  
fortiendi forum diversum, ad illud sc. quo docetur quo-  
modo in actionibus realibus reus in loco rei sitæ, etiamsi  
ibi



ibi domicilium non habeat, conveniri possit, de quo *infr.*  
*lib. 60.* Domicilium autem Beneficii Ecclesiastici, quod  
Clerici habere dicuntur, à domicilio habitationis nihil ali-  
eni habet, nisi quod non sit ex jure communi, ut hoc no-  
strum, sed ex jure speciali & privilegiato de quo *infr.*

XXXII.

Qui verò certum habitationis domicilium non ha-  
bet, ubi vis locorum, ubi reperitur, conveniri potest, cu-  
jusmodi est vagabundus, qui domicilio relicto navigans  
aut iter faciens quærit, quò se conferat atq; ubi consistat  
*l. eius qui 27. §. 2. ad munici.* Quod si actor ignoret ubi sit, aut  
illum persequi integrum ei non sit, in loco ubi versari  
consevit, aut iudicio omnium supremo, v. g. in Camera  
Imperiali per edictum aut proclama citari debet juxta ea  
quæ tradit *Gail. 1. obj. 1. n. 33. & obs. 57. n. 4. Marant. p. 6. tit. de*  
*citat. n. 82. & 83.* Aut si bona alicubi habeat, ibi citatio  
affigi & à magistratu ejus loci curator bonorum qui de-  
fensionem ejus suscipiat, dari debet *Zang. de exc. p. 2. c. 1. n.*  
*102. Felin. in cap. fin. X. de for. compet.*

XXXIII.

Præterea Forum Domicilii generale est, & cum  
omnibus alijs forum sortiendi modis concurrat ( eò foro  
excepto quod reus ex continentia causæ sortitur ) com-  
muneq; est omnibus actionibus instituendis *l. 19. §. fin. ff. de*  
*judic. l. 3. C. ubi in rem act.* ita ut in potestate actoris sit reum  
in loco contractus actione personali, vel in loco rei sitæ  
actione reali, vel alterutra in loco domicilii convenire.  
*Coler. de proc. exec. p. 2. c. 1. n. 25. Diss. Don. 17. comm. 17.* de cujus  
arg. *infr.* Vno tamen foro electo non licet resilire ad ali-  
ud arg. *l. 7. de iudic. l. 30. eod.* Id namq; operatur præventio,  
quæ solet litem de concurrente jurisdictione dirimere, ut  
in arbitrio actoris amplius non sit, quo velit loco reum  
convenire, etiamsi id ei antea maximè licuerit *Rittersh.*  
*Nov. p. 9. c. 10. n. 63.*

XXXIV.

Atque hinc etiam dependet decisio quæstionis huc  
alias



alias impertinentis: An videlicet Imperator causas litigiosas in Camera pendentes avocare & ad aulam suam trahere possit? Sola nimirum præventio in causa est, quod minus id fieri queat, quod probatur tum per *text. express. 2. Ord. Cam. tit. 35. ibi: Das dem Kayserl. Cammergericht unuerhindert einiger restitution, supplication, avocation oder anderer suspension vnd auffschlag sein freyer starcker unuerhinderter Lauff gelassen/ vnd dawider nicht gegeben werde.* tum unanimi Dd. & ipsorum etiam Cameralium sententiâ *Gail. 1. obs. 41. n. 3. 4. 5. Grav. lib. 1. concl. 41. n. 2. Besöld. thes. pract. voc. Abforderung Speidel. Notabil. ibid. Vult. ad l. 1. C. de Idict. omn. iud. n. 174. Reink. de Regim. sec. & Ecc. lib. 2. cl. 2. c. 14. n. 15. & seqq. Schrad. de feud. part. 10. sect. 1. n. 185. Matth. Steph. de Idict. l. 2. p. 1. c. 3. pr. n. 30.* Accedunt præjudicia (licet non desint contraria) quæ hoc ita observatum satis edocent, quorum unum refert *Steph. d. l. n. 31.* aliud *Bart. præjud. Cam. tom. 1. fol. 437.* Egregium verò est illud, quod adducit *Schleidan. de stat. relig. lib. 25. ferè in medio,* de Alberto Marchione Brandenburgico, qui, cum à iudicibus Camerae imp. solenniter proscriptus Imperatorem Carolum V. implorasset de abolenda proscriptionis sententia, tale responsum tulit: non licere sibi (Imperatori) juris administrationem impedire.

XXXV.

Dissentit ab hac in jure & usu fundata opinione *Matth. Ber. ich. p. 1. concl. 6. pr. & p. 1. decis. 158. per tot.* qui Imperatorem causas litigiosas in Camera pendentes vel ad instantiam partis vel sua sponte avocare posse putat, adducens *cap. ut nostrum 56. X. de appellat. & l. 58. de indic.* Sed male ex jure civili, & peius ex jure Canon. hujus quæstionis decisio petitur, utpote cum hoc ex Recessibus Imperii & legibus imperii fundamentalibus sit decidendum, in quas quia Imperator per modum contractus consensit, ideo ad earum observantiam omnino tenetur *Gail. d. 1. obs. 41. Zang. de exc. p. 2. c. 1. n. 419. in fin. Reusn. lib. 4. decis. 21. n. 34.*

XXXVI.

Vt autem Jurisdictio præventa esse dicatur, & litis penden-



pendentis exceptio opponi possit, nonnulli litis contestationem præcisè requirunt; tum quod ante eam lis propriè non sit *l. 25. §. 7. de petit. hered.* tum quod Constantinus in *l. 4. C. de Idict. omn. iud.* forum post litis contestationem declinari non posse dicat. Verùm contraria sentètia ( solà sc. sufficere citationem ) ut communiter recepta, teste *Gail. 1. obs. 11. n. 1. Scacc. de iudic. l. 1. c. 12. n. 58.* ita & rationibus juris magis est conveniens per *text. in l. 7. ff. de iudic. Clem. cum lite, 2. ut lit. pend. nihil innov. Gothofr. ad l. 9. de V. obl.* Neq; quidquam pro dissentientibus faciunt textus supr. adducti: præterquam enim quod in *d. l. 25.* vox Litis nimis angustè accipitur, non facile quoq; admitti solet argumentatio à contrario sensu præsertim in legibus Cod. Non sufficit verò emanasse citationem, sed præterea requiritur, ad reum eandem pervenisse, aut verò per eum stetisse quò minus perveniret; deinde ut citationi causa sit inserta ob quam reus conveniatur *d. Clem. ult. ut lit. pend. ibiq; gloss. Myns. 4. Obs. 26.* ubi ex Zabarella sex litis pendentis requisita adducit.

### XXXVII.

Deniq; Domicilium habitationis prout est accidentale, ita quoq; mutari pro arbitrio potest *l. 31. ad munic.* non quidem nudà contestatione seu assertionem, sed factò & re ipsa *l. 20. ff. eod.* quod fieri intelligitur si quis cum omnibus suis bonis, aut majori eorum parte aliò se conferat animo non revertendi *arg. l. 7. C. de incol.* unde patet, contra juris rationem esse statuta illa, quibus cavetur, ut partus, quoquo modo extra urbem aut pomeria editus, jure civitatis cadat, etiamsi parentes non domicilii mutandi animo sed negotiationis forsan aut animi gratia sint exspatiati.

### XXXIIX.

Mutato itaq; domicilio habitationis, novoq; constituto, in pristino reus conveniri amplius nequit *arg. l. pen. pr. ff. de Idict. l. ult. C. de incol.* Dissent. Bachov. *ad Tr. vot. 1. disp. 3. th. 8. lit. C. D.* & Duar. *de iudic. cap. de foro compet.* qui a-

C

ctionem



tionem ex contractu non tantum in loco domicilii quod  
jam, tempore movendæ actionis, reus habet, verum etiam  
quod habuit tempore contractus, proponi posse arbitran-  
tur, ne sc. jus auctori quaesitum facto rei auferatur, idque  
per l. 2. C. de iact. omn. iud. Quod quidem de eo casu quan-  
do contractus in prioris domicilii loco est celebratus,  
concedi facile potest, tum enim convenitur ibi reus non  
quod ibi habitavit, sed quod contraxit, de eoque casu lo-  
quitur d. l. 2. Secus est si non in ipso domicilii sed alio in  
loco fuerit contractum *Donell. 17. comm. 12. Vult. ad d. l. 2. in fin.*

XXXIX.

Hactenus de primo modo Forum sortiendi,  
**DOMICILIO** sc. Sequitur **SECUNDVS**, qui per  
**OBLIGATIONEM** constituitur.

XL.

Obligatio alia est voluntaria, alia invita. Illa ex con-  
tractu vel quasi; hæc ex delicto vel quasi oritur. Cumque  
vox Contractus tripliciter potissimum in jure sumatur,  
1. latissimè pro quovis negotio ex quo obligatio oritur,  
ita ut tam pacta quam delicta sub se comprehendat l. 20. ff.  
de iudic. l. 52. de re iudic. 2. propriè & magis juridicè pro  
negotio, quod aut certum habet nomen, id est certam contra-  
hendi formam, aut causam, hoc est, dationem vel factum;  
aut utrumque; l. 7. §. 1. & 2. ff. de pact. 3. strictissimè pro nego-  
tio utrinque; obligatorio l. 19. de V. S. primam significatio-  
nem hinc retinebimus, ita tamen ut excludamus delicta, se-  
orsim de iis post Contractus acturi.

XLI.

Sicut autem Contractus alius est verus, qui vero, ali-  
us quasi, qui præsumto constat consensu, & quando lex a-  
liquem consentire præsumit; ita quoque litigantes vel verè  
& expressè forum eligunt & in jurisdictionem alterius ju-  
dicis consentiunt, vel idem tacitè fecisse à lege præsu-  
muntur. Expressè litigantes forum eligunt, quando  
convenit inter eos, ut alius iudex, quam cujus aliàs jurif-  
dictio



dictio esset, adeatur *l. 14. & 15. de Idict. l. 1. C. eod.* Et hoc fit vel pacto vel Contractu. Pacto; ut quando nuda tantum conventio quæ in aliud nomen non transit, de adeundo iudice intervenit *arg. l. 7. §. 4. de pact.* Contractu, vel nominato, ut Stipulatione, eâq; ferè tantum; cum in alium nominatum contractum obligatio hæc incidere vix possit, nisi quis velit addere literarum obligationem, quæ tamen an peculiarem contractum constituat, dubio non caret per ea quæ tradit *Bach ad Treutl. vol. 1. disp. 20. th. 2.* vel Innominato; ut, Do ut Facias, vel Facio ut Facias, ut si quis aliquid dederit aut fecerit, ut alius iudex adiretur.

### XLII.

Quocunq; autem modo conventio de adeundo iudice instituat, neuter litigantium conventioni præcisè stare tenetur, si priusquam iudex adiretur, mutata voluntas fuerit *l. 18. ff. de iuris d.* Si enim per nudum pactum conventio facta fuerit, quia ex pacto actio non datur *l. 7. §. 4. ff. de pact.* cogi nemo potest ut compareat: si conventio in contractum inciderit, neq; sic ut se sistat compelli quisquam potest, sed obligatio, quia est faciendi, resolvitur in obligationem ad interesse *arg. l. 13. §. 1. de re iudic.* Aliud longè est (quod tamen vulgò hic objici solet) si convenerit, ne fori præscriptio ob cingulum fortè militiæ, dignitatis aut officii Ecclesiastici opponatur: quo casu nemini adversus pacta sua venire licet *l. pen. C. de pact. ne quidem Clerico l. si quis in conscribendis, 51. C. de Episc. & Cler. quamvis contrarium jure Canon. constitutum reperiatur c. si diligenter, 12. X. de for. compet.*

### XLIII.

Tacitè forum elegisse dicuntur litigantes ex præsumptione juris. Ita in loco contractus forum electum esse jus arguit *c. ult. X. de for. compet.* Locus autem contractus, si de certo solutionis loco convenit, non is dicitur, in quo negotium est gestum, sed in quem dilata est solutio *l.*

C 2

1. 2, &



1.2. & 3. ff. de reb. auct. iud. l. 21. de oblig. & act. Et hic locus olim conveniendi facultatem adeò dabat, ut actori potestatem alio in loco agendi plane adimeret l. 1. pr. de eo quod cert. loc. utpote cum alibi petens, loco plus petere diceretur, causaq; caderet. §. 33. Inst. de act. Sed quia iniquum est, creditorem, præsertim si promissor in loco constituto copiam sui non faciat, suum consequi non posse, utilis actio creditori datur d. l. 1. de eo quod cert. quâ, tanquam arbitrariâ, ratio habetur tamen eius quod actoris, quam quod rei interest statuto potius loco quam alio solutionem fieri l. 2. pr. de eo quod cert.

#### XLIV.

Instituitur verò actio hæc arbitraria iis in locis, in quibus aliàs loco non adjecto proponi potuisset; & ita intelligendum est quod in l. 16. §. 1. de pecun. constitut ubiq; peti posse dicitur, Donell. 17. comm. 19. Neq; enim rationibus juris satis convenire videtur sententia Bart. in l. 1. ff. de eo quod cert. loc. item Vultej. ad l. un. C. ubi conv. qui cert. loc. n. 51. qui statuunt, hanc actionem quocunq; in loco, ubi promissor reperitur, institui posse, propterea, quod (cum ex natura arbitrariæ hujus actionis hic semper habeatur ratio utilitatis illius loci, ubi aliàs ex conventionem res dari debuisset) nullum exinde incommodum reo inferri videatur. Est enim hoc contra mentem, & intentionem ipsorum contrahentium; qui conveniendi facultatem ad certum locum restringentes nunquam id egisse præsumuntur, ut facultatem agendi ad ea etiam loca extenderent, in quibus aliàs nulla foret agendi facultas arg. l. 25. de ll.

#### XLV.

Quod si duobus aut pluribus in locis soluturum se quis promiserit; interest copulativè an disjunctivè id factum fuerit. Priori modo, ut, Capuæ & Ephesi, quoniam ratione locorum divisa est obligatio, divisim quoq; & ambobus in locis promissum peti debet, ita ut pars una Capuæ altera Ephesi exigatur l. 3. §. 4. de eo quod cert. Posteriori modo, e. gr. Ephesi aut Capuæ, electio quidem est promisso-



missoris ubi velit solvere antequam res petatur: si tamen reus seu promissor solutionem non offerat, stipulator alterutro quo velit loco petere non prohibetur; ne si reo tum quoq; electio detur, in ejus sit arbitrio an debeat cum semper alium locum eligere atq; ita eludere actorem possit *l. 2. §. 3. de eo quod cert. loc. arg. l. 15. ff. rem rat. hab. quæ ratio quoq; svadet, ut nec ad litis usq; contestationem potestas eligendi danda sit reo, pro ut vult. Zanger. de except. p. 2.*

*c. 1. n. 144.*

XLVI.

Si verò de loco solutionis nihil convenerit, is erit locus contractus, ubi ipsum negotium, contractus sc., est peractum *l. 19. §. 1. de indic l. 1. §. 2. C. ubi ratioc.* idque cum ex tacita contrahentium conventionem, tum ex natura ipsius obligationis, ut idem sit locus solvendæ obligationis, quæ fuit contrahendæ *arg. l. nihil tam naturale, 35. de R. l.* Accedit, quod in loco contractus firmissima rei gestæ documenta haberi possint *d. l. ult. C. ubi de ratioc.* Ibi verò contractus celebratus esse dicitur, ubi ea gesta sunt quæ ipsam contractus essentiam concernunt. Unde apparet, non posse reum ibi conveniri, ubi vel pactum de contractu vel ejus instrumentum factum est *arg. l. 38. de Obl. & act.* nisi convenerit, ut perfectus contractus non diceretur antequam in scripturam esset redactus *arg. pr. Inst. de emt. Zang. d. p. 2.*

*c. 1. n. 110. 111. 112.*

XLVII.

Et hoc non tantum in veris, sed etiam in quasi Contractibus obtinet, in loco sc. negotii gesti actionem institui posse *d. l. 19. §. 1. de indic.* Sic condictio indebiti, quæ est ex quasi Contractu *§. 6. Inst. de obl. quæ quasi ex contr.* eo loci, ubi indebitum solutum est intentari potest *l. 27. de condict. indeb. ibiq; Goth.* Eodem modo Tutores & Curatores, qui ex quasi contractu ad reddendas rationes obligantur *§. 2. Inst. de obl. quæ quasi ex contr.* in loco tutelæ vel curæ gestæ conveniri possunt *l. 1. C. ubi de ratiocin.*

XLIIX.

Hac ratione heres legatorum & fideicommissorum

C 3

nomi-



nomine ibi conveniri potest, ubi hereditatem adiit. Ade-  
undo namq; hereditatem omnes defuncti obligationes in  
se suscipere, & cum legatariis ac fideicommissariis quasi  
contrahere videtur §. *heres*. *Inst. de oblig. qua quasi ex contr.*  
Ibi verò adiisse hereditatem heres intelligitur, ubi illa to-  
ta aut maxima eius pars sita est *arg. l. 50. pr. ff. de indic. Vult. ad*  
*l. un. C. ubi fideic. peti op. n. 33.* Cumq; hodie pro legatis & fidei-  
commissis petendis tres actiones competant: actio perso-  
nalis ex testamento, de qua jam dictum; Rei vindicatio &  
actio hypothecaria §. 2. *in fin. Inst. de legat.* electio datur  
actori, & ut qua velit actione experiri possit. *l. si servus lega-*  
*tus, 108. §. 2. de leg. 1. arg. l. 52. §. 3. de indic.* & ut potestatem ha-  
beat eam proponendi vel in loco omnium communi vel in  
cujusque proprio *l. 50. & 52. de indic.*

XLIX.

Communis autem omnium locus, est locus domicilii:  
proprius, & actionis quidem ex testamento est locus quasi  
contractus, ubi hereditas adita est, id est, ubi hereditas  
aut major eius pars jacet *l. 50. pr. de indic.* Rei vindicatio-  
nis locus proprius est is qui rem controversam continet  
*d. l. 52. §. 3. de Indic.* Actionis hypothecariæ locus genuinus  
est, ubi res hereditariæ & (si inventarium facere heres ne-  
glexerit) alia ipsius heredis bona sita sunt. Nam olim qui-  
dem ante introductum beneficium inventarii & exinde de-  
pendens jus separationis bonorum, propter eorundem  
confusionem omnia etiam propria heredis bona credito-  
ribus & legatariis obligabantur. Hodie verò tum demum  
si inventarium non fecerit *l. fin. C. de iur. delib.*

L.

Actor quoq; ibi forum elegisse præsumitur, ubi reum  
convenit, sic, ut idem iudex, qui adversus reum est implo-  
ratus, contra ipsum actorem, si noxius inveniatur, senten-  
tiam ferre possit nulla oppositâ fori præscriptione,  
quod competens aliàs respectu actoris iudex non fit *l. 14.*  
*C. de sent. & interloc.* Idem etiam observatur in reconven-  
tione, ut in eâ eundem habeat iudicem actor quem habet  
reus



reus in ipsâ conventionē *authent. & consequenter. C. eod. modo* causa sit ejusmodi, quæ admittat reconventionem, eaque ante vel statim post litem contestatam instituatur; ut alternatim agi unaq; tandem sententia totum negotium dirimi possit *Sichard. ad d. l. 14. & d. authent. in fin.*

LI.

Porro quod dictum est; Reum in loco contractus conveniri posse, non ita est intelligendum, (ut nonnulli volunt) quasi à iudice suo invitus eò remitti ac trahi possit, *c. Romana, 1. §. contrahentes, de for. compet. in 6. l. un. C. ubi conven. qui cert.* Quamvis enim in criminalibus causis ita observatum fuerit, ut reus ad locum delicti remitteretur *Nov. 134. c. 5.* nunquam tamen idem in civilibus obtinuit *d. c. Romana.* cum, etiamsi reus remittatur in locum contractus, nihilominus is ibidem latitare, nec ut se sistat præcisè cogi, aut ob contumaciam carceri includi possit, propterea quod in civilibus iudex eò devenire non solet, sed sufficere ei debeat, posse actorem in bona rei latitantis mittere, atq; eo modo jurisdictionem suam tueri *l. 18. & 19. de in ius voc. l. 21. §. 2. vers. ceterum, ex quib. caus. mai. Don. 17. comm. 14. Paurmeist. de Idict. lib. 2. c. 4. n. 100. & 101.* Nec quidquam pro contraria sententia facit *l. 1. C. ubi caus. stat.* Is enim, qui in libertatem proclamat, quia actor est, meritò etiam Domini sui tanquam rei, & contra quem agere intendit, forum sequi, eoq; remitti, si forsan alihi agere velit, debet.

LII.

Quapropter si reus in loco contractus potestatem sui non faciat, nec ab ejus loci iudice legitimè citatus compareat, accusatâ ejus contumaciâ Creditor in bonorum possessionem mittitur, donec reus iudicio se sistat *d. l. 19. §. 1. de iudic.* Idq; dubio caret, quando reus ibi bona possidet. Si vero non in contractus, sed forsan domicilii loco bona habeat, iudex nihilominus missionem in bonorum possessionem decernet, decretamq; ad iudicem loci domicilii, ut is eam exequatur, mittet, sub formâ quadam mandati, si sibi



sibi is sublit; sub literis verò (ut vocantur) Requisite-  
libus, si sibi non sit subjectus *d.c. Romana, l. §. contrahentes, de  
for. compet. in sexto. l. 45. §. 1. de indic. l. 15. §. 1. de re indic. Gai. l. 1.  
obs. 113. n. 16. Coler. de process. exec. p. 2. c. 1. n. 44. Covar. pract. q. c.  
10. n. 7.* Quamvis postremo casu, quo iudex bonorum alteri  
subjectus non est, melius interdum actor faciat, si statim ad  
locum domicilii se conferat, quam ut inanibus sumptibus  
se exponat.

### XXXIII.

Et licet studiosi quoque ob Contractus in Academiis  
celebratos à Rectoribus (si absint) literis publicè affixis  
nonnunquam citentur, ut compareant, & Creditoribus  
satisfaciant; id ipsum tamen non tam fit propterea, quòd  
ibi contraxerunt, quam quòd initio cum in album studio-  
forum sunt recepti, juramentum præstiterunt, se isthinc  
discedere prius nolle, quam creditoribus suis satisfacis-  
sent. Quoniam si alibi & extra Academiam contraxissent,  
ne quidem præsentibus ibidem conveniri, sed ad magistra-  
tum suum, Rectorem sc. provocare possent *Coler. d. l. n. 51.  
Auth. Habita. C. ne filius pro patr.*

### LIV.

Nec perpetuò tamen verum est: reum in loco con-  
tractus conveniri posse: sed potest is nonnunquam uti fo-  
ri exceptione declinatoria, etiam si in loco contractus re-  
periatur. Quòd contingit, (1) quando expressè conve-  
nit inter litigantes, ne reus eo loci, ubi contractum est,  
defendere se cogatur *l. 19. §. 2. de indic.* (2) quando actor  
non expressè quidem sed tacitè juri suo renunciat, veluti  
si contrahat cum mercatore advenâ, qui iter facit aut  
præternavigat; hic enim ubi quasi in transitu contraxit,  
conveniri nequit, *d. l. 19. §. 2. vers. proinde ff. de indic.* modò ne  
tabernam, armarium officinam aut pergulam ibi condu-  
cat, mercesque venum exponat, aut aliud quid faciat, unde  
animus aliquamdiu ibi consistendi colligi possit; & deinde  
is qui cum eo contrahit non ignoret, advenam eum esse:  
quæ duo conjunctim requirit *Vlpianus d. l. 19. §. 2. vers. pro-  
inde.*



*inde.* Etenim quia hæc exceptio ex tacito & præsumto est consensu, (quod ob conditionem personæ juri suo & foro contractus renunciaſſe actor arguatur) non poteſt conſenſiſſe præſumi, qui in conditione personæ erravit *Donell. 17. c. 14. §. 5. in fin.*

LV.

Sanè ex peculiari gratiâ Civitatibus, qui jure Nundinarum solennium gaudent, concessum videtur, ut Mercatores, qui ad eas commeant, quò magis ad obeundas nundinas invitentur, de debito ibi contracto conveniri non possint, etiamsi tabernam vel pergulam illic habeant *l. n. nic. C. de nundin.* nisi ipsis nundinis contraxerint; tum enim ibidem conveniri eos posse nec domum revocandi jus habere communiter Dd. statuunt, *Sichard. ad d. l. n. Matth. Steph. de Idict. libr. 1. c. 29. n. 52.*

LVI.

(3) Maritus quoq; , qui soluto matrimonio actione ex stipulatu de dote reddenda perinde tenetur, ac si ab initio stipulatio intervenisset, §. 29. *Inst. de Act. l. n. C. de rei ux. act.* si in loco contractus, ubi sc. dos constituta, aut instrumentum ejus confectum est, conveniatur, exceptione fori uti poteſt, *l. exigere, 65. ff. de indic.* quod tum demum tamen verum est, quando morte solutum est matrimonium; non item quando divortio: quo casu in loco divortij de dote agi poteſt, etiamsi maritus alibi domicilium habeat *l. si uxor. 42. de indic.* idq; propter odium divortii, ut maritus, qui aut causam ei dedit, aut idem fieri permisit, eò pluribus locis teneretur. *Rittersh. Nov. p. 9. c. 10. n. 49. §. 50.*

LVII.

Deniq; (4) qui pecuniam constituit non tenetur in loco constituti se defendere *l. si quis. 8. ff. de indic.* Quæ lex quamvis de Legato constituyente tantum loquatur, ad quosvis tamen Constituentes ex naturâ constituti commodè extendi poteſt. Neq; enim id in constituto agitur, ut nova obligatio introducatur, sed ut ea, quæ antea fuit, firmiter reddatur, & hoc excepto, ejusdem omnino cui

D

prio-



priori conditionis censeatur. *l. qui id quod, 33. pr. ff. de donat.*

LIX.

Atq; hæc de Foro competente ex Obligationibus voluntariis seu Contractibus. Sequitur jam porro quomodo ex *OBLIGATIONIBVS INVITIS*, id est, Delictis idem obtingere possit. Delicta vel vera sunt vel quasi. Illa in dolo consistunt, hæc in facto sua natura non illicito sed quod per abusum demum tale redditur *t. t. Inst. de obl. qua quasi ex del.* Delicta vera rursus vel publica sunt vel privata. Illa propriè crimina, hæc delicta appellari solent. Ex omnibus verò delictis vel civiliter agitur, quando sc. pœna actori, vel criminaliter, quando eadem filco applicari aut reo infligi petitur, *§. in summa, 11. Inst. de iniur. Vult. ad l. 1. C. ubi Senat. vel Clar. n. 10. & seqq.*

LIX.

Ex delictis si civiliter, agatur, idem ratione fori sortiendi observandum est, quod supr. *th. 51. & 52.* in contractibus observandum esse diximus, sc. ut his casibus in delictis remissio locum non habeat *Zanger. de except. p. 2. c. 1. n. 200. & seqq.* Hoc tamen addendum; reum in loco delicti, si ibi reperiatur, conveniri semper posse, nec distingui (ut in contractibus *th. 54.*) utrum in loco delicti aliquamdiu sit mansurus, an verò statim discessurus *Zang. d. l.*

LX.

Si verò ex delictis criminaliter & præsertim ad pœnam corporalem agatur, reus in locum delicti est remittendus. Et jure quidem Digestorum remissio tantæ fuit necessitatis, ut locus commisi delicti sicuti maximè proprius ita unicus ferè fuit in quo reus criminis conveniri potuit. *l. ult. ff. de roxal. act. l. 7. §. ult. ff. de accus.* ut ibi extaret exemplum pœnæ, ubi exemplum culpæ. adeò, ut nec per continentiam delictorum impediri potuerit. Nam si una eademq; persona in una provincia sacrilegium, in alia aliud delictum commisisset, unius provinciæ judex non  
de u-



de utroq; , sed unusquisq; de eo tantum, quod in sua provincia perpetratum est, crimine cognoscere potuit *d. l. 7. §. ult. de accusat.*

LXI.

Tenebantur itaq; magistratus reum ad locum perpetrati criminis, requirente ejus loci iudice remittere, *Nov. 134. c. 5. Auth. si verò criminis C. ad L. Jul. de adult.* Et quamvis Constitutionibus Imperatorum hæc remissionis necessitas sublata non nihil fuerit, ut patet *ex l. 1. C. ubi de crimin.* ubi reus non tantum in loco delicti, sed ubicunque etiam locorum ubi reperitur, conveniri posse dicitur; eandem tamen Imperator Iustinianus de novo rursus introducere voluit *Nov. 134. c. 5.*

LXII.

Atq; hæc remissio reorum in locum delicti olim, cum unus magistratus alteri, omnes autem Imperatori absolute ferè subessent, obtineri facile potuit. Verum cum Principes ac status imperii hodierni nonnulla majestatis jura ipsi habeant, ipsorumq; etiam minorum magistratum jurisdictio multis modis sit confusa, desit in usu esse remissionis necessitas. Vnde si quando fiunt, sub literis (ut vocantur) Reversalibus fieri solent, vnter einem offenen revers; ne concedentibus sint præjudicio; ut proinde non amplius superioritatis jure sed benevolentia potius ac amicitia ratione concedantur *Steph. de Idict. l. c. 30. n. 17.* Forum igitur in delictis reus hodie sortitur omni in loco in quo reperitur *l. 1. C. ubi de crimin.* non tantum si ibi domicilium habeat, *ut d. l. explicat gloss.* verum etiam si domicilium non habeat. Excipiunt Dd. ab hac regula crimen læsæ majestatis, cujus cognitionem de reservatis ipsius Imperatoris esse putant, ut videre est apud *Zang. de exc. p. 2. cap. 1. n. 121.*

LXIII.

Quis verò sit locus commissi criminis, si illud non in uno sed duobus forsitan territoriis sit perpetratum, ut: si Titius Mævium in unius Principis territorio vulneret,

D 2

eumq;



eumq; ad alterius territorium fugientem insequatur, ibiq; occidat, inter Dd non convenit. Aliis (in quibus est Cynus in l. nn. C. ubi de poss.) putantibus, initium delicti esse inspiciendum, ut locus sit delicti is in quo vulneratus est Mævius arg. l. qui cum maior, 14. §. 2. ff. de bon. libert. l. quod ait lex, 23. §. fin. ad L. Iul. de adult. Aliis, (in quibus Bart. in libellorum, 3. ff. de accusat. n. 7.) contra locum delicti eum esse existimantibus, ubi consummatum est delictum, propterea quod ibi formam accipiat; & hoc etiam verius videtur. Nam quod vulgò dicitur: initium delicti esse inspiciendum: tum demum verum est, quando initium est licitum, ut reum à pœna liberet d. l. 23. §. fin. ad L. Iul. de adult. Felin. ad cap. fin. X. de for. compet. n. 13. & seqq. Prosp. Farin. prax. crimin. lib. 1. tit. 1. quest. 7. n. 45. Eodem quoq; modo, si lædens in uno, & læsus in alio stet territorio, is est locus delicti in quo læsus stetit non in quo lædens. Zang. de except. p. 2. c. 1. n. 230. & seqq. Felin. & Farin. d. l. ubi pluribus hanc rem persequuntur.

#### LXIV.

Æquè dubium Interpretibus Iuris videtur, quis locus sit delicti eo casu, quando in confinio duorum territoriorum illud quidem est commissum, de loco tamen non constat, ubi vel lædens vel læsus steterit, homoque occisus jaceat partim in unius partim alterius in territorio. Et quamvis multi Dd. eò inclinent, ut illum locum delicti statuunt, qui caput continet arg. l. 44. de relig. & sumt. fun. vix tamen hoc subsistere potest: quoniam ratio ex d. l. 44. defumta locum tantum habet in jure sepulturæ ad locum religiosum faciendum, ut scilicet, si homo mortuus pluribus locis inferatur, non quilibet, sed is tantum locus religiosus fiat, qui caput, tanquam principale corporis membrum, continet, quæ tamen ad locum delicti arguendum nihil confert. Sed quia eo loci, ubi pedes siti sunt, delictum perpetratum esse intelligitur, is quoq; in dubio locus delicti non incommodè statui posse videtur. Thom. Michael de Iuris d. th. 50. quamvis prius in praxi obser-

vari



vari afferat *Vehner. in pract. Observat. verb. Glaid / Glaidliche  
Dbrigkeit.*

LXV.

Cumq; de homicidiis, in confinio præsertim duorum  
aut plurium territoriorum commissis, quamplurimæ con-  
troverfiæ oriri soleant; & verò ex cadaveribus occisorum  
indicia, quæ occisorem arguant, desumi nonnunquã pos-  
sint, solent cadavera in loco, ubi de homicidio cognosci-  
tur, aliquamdiu asservari, donec judici de facto, quoad  
fieri potest, constet, tandemq; ibi sepeliri, quòd minori  
cum dispendio & temporis & sumtuum id fieri possit. Exin-  
de, (si quid loci conjecturæ relinquatur) consuetudo paul-  
latim dimanasse videtur, ut hodie non tantum occisorum,  
sed naturali etiam morte extinctorum corpora, ex terri-  
torio, in quo mortua sunt, in aliud sepeliendi causa sine  
speciali magistratus permisso transportari prohibeantur,  
& hoc tam rigidè in his præsertim regionibus observatur,  
ut, si contra factum fuerit, etiam bene humata cadavera  
non rarò effodiantur, uti hoc satis edocet experientia.  
Quo verò jure id fiat non satis apparet, cum nihil hîc sub-  
sit jurisdictionis, sed actus merè sit privatus, qui quò mi-  
nus fieri impediatur, expressè interdicitur *tot. tit. ff. de  
mort. infer.* Et quod nulla lege inveniatur prohibitum, ca-  
davera de loco in locum sepelienda transportare, nullo  
neq; portagio neq; passagio (ut vocant) pro iis soluto,  
sed id maximè licere etiam sine ullo superioris permisso,  
latè deducit *Illephonso Peretz. tract. de Anniversariis, lib. 1. c. 25.  
n. 37. & seqq.* Vnde & Trajanus Imperator, (cum à Plinio II.  
confuleretur, quid de iis fieri deberet, qui ut suorum reli-  
quias in alium locum transportare sibi liceret, petiissent,  
cum ante id sine permisso Proconsulum fieri minimè po-  
tuisset,) *Durum esse, ait, necessitatem iniungere provincialibus  
Pontificum aduendorum, si reliquias suorum propter aliquas iustas  
causas transferre ex loco in alium locum velint. Plin. lib. 10. epist. 73.  
& 74.* Sanè cadavera sepulturæ semel tradita, aliò trans-  
portari sine magistratus consensu non posse, ne loca reli-  
giosa

D 3

giosa





giosa facile & pro lubitu multiplicentur, etiam jure civili  
cautum reperitur *l. 3. §. 4. vers. Divus tamen Marcus, de sepulcr.  
viol. l. 8. pr. de relig. & sumt.*

LXVI.

TERTIVS MODVS FORVM SORTIENDI, EST LOCVS REI  
CONTROVERSÆ. Vbi enim res sita est, ibi reus conventus  
defendere se debet, modò de possessione aut proprietate  
ejus agatur, id est, iudicium reale instituatur, *l. 1. & 3. C. ubi  
in rem act.* adeò ut etiam Clericus possessor ratione bono-  
rum coram iudice seculari conveniri possit, cum non per-  
sona, sed res hìc consideretur, *Gail. 1. obs. 37. n. 4.* Iudici-  
um verò Reale aliud est possessorium, aliud Pe-  
titorium. Possessorium aut Summarium est &  
extra ordinarium, in quo sine strepitu judiciali de sim-  
plici & plano (ut loquuntur pragmatici) propter metum  
armorum quàm brevissimè proceditur; aut plenarium  
& ordinarium. Vtrumque rursus vel est adipiscendæ  
vel retinendæ, vel recuperandæ possessionis, *§. 2. Instit. de  
Interdict.*

LXVII.

Summarium omne, quod etiam momentaneum  
dicitur, *l. un. C. si de moment. poss. fuer. ap.* vix commodiori  
quam in quo res sita est loco peragi potest *l. un. C. ubi de poss.*  
In hoc enim possessorio non ita apparet, quis actor sit aut  
reus, sed uterq; reus esse quàm actor mavult, dum se possi-  
dere dicit, aut possessionem apprehendere cogitat *Andr.  
Clud. rer. quotid. c. 4. n. 31.* & plerumq; in loco rei controver-  
sæ litigantes ad arma devenire solent: quod ne fiat, com-  
modissimè omnium illius loci iudex prohibere potest, cer-  
tam possessionem momentaneam constituendo, ut posses-  
sorium ordinarium seu petitorium eò citius & rectius in-  
stitui queat, *Vult. ad l. un. C. ubi de hered. n. 20.*

LXIIIX.

Ordinarium adipiscendæ possessionis aut  
est



est de re vacua, & à nemine possessa, aut de re, quæ ab alio possidetur: Prius, cum possessor aut contradictor non sit, cujus in adeundo iudice ratio haberi possit, in nullo alio quam ipsius rei controversæ loco intentari potest. Ita heres possessionem hereditatis vacantis petens, interdictum quorum bonorum, eiq; annexum remediū *l. fin. C. de edict. D. Adrian.* tantum in loco hereditatis proponit *l. un. C. ubi de heredit. d. l. fin.* Posterius quoque, cum sc. res ab alio possidetur, commodiorem, quam ipsius rei sitæ locum vix reperit, cum quia illius loci iudex actorem in bonorum possessionem sine remorâ mittere potest, tum quia hic de nuda tantum possessione, non item de facto aut vi à possessore commissâ actos queritur *Vult. ad l. un. C. uti de poss.*

#### LXIX.

Eadem ratione in possessorio Ordinario Retinendæ & Recuperandæ possessionis distinguendum videtur: an Interdicta seu Actiones de ipsa possessione, an verò defacto tantum & vi alterius circa possessionem commissâ: prioris generis actiones cum sint reales, in loco rei sitæ *l. un. C. uti de possess.* posterioris verò generis, utpote personales, quibus factum adversarij principaliter accusatur, in loco domicilii intentari possunt *l. 7. de vi & vi arm. l. 2. C. de interdict.* Hodie pro Interdictis Mandata decernuntur, quæ petuntur vel in loco domicilii ipsius rei, si sint personalia & factum alterius concernant, ut sunt. Mandata de non turbando; vel in loco rei sitæ, si de possessione principaliter apant, ut Mandata Manutentia, Restitutoria, &c.

#### LXX.

Petitorium Iudicium est vel Vniversale, vel Particulare. Illud de jure hereditario: hoc vel de Domino, vel Serytute, vel Pignore agit.

Ex



Ex jure hereditario oritur hereditatis petitio, quæ ad-  
versus eum, qui pro herede vel pro possessore possidet, in  
loco domicilij heredis, aut hereditatis, modò ibi degat,  
id est, reperiatur possessor, instituitur *l. un. C. ubi de heredit.*  
Etsi enim hæc actio sit realis *l. 25. §. 18. de heredit. petit. & pro-*  
*inde in loco rei sitæ, sive possessor ibi reperiatur sive non,*  
*proponi posse videatur arg. l. ult. C. ubi in rem act.* tamen  
cum non merè sit realis, sed mixta, adeoq; multas habeat  
præstationes personales, quarum respectu personalis quo-  
dammodo dici possit, Imperatores *in d. l. un. C. ubi de here-*  
*dit. eò respexisse videntur Vult. ibid. Facit. l. 29. §. fin. ff. de in-*  
*off. test. ubi querela inofficiosi, tanquam præparatoria pe-*  
*titionis heredit. & quæ cum ea successivè cumulari potest*  
*arg. l. 20. ff. de inoff. test. VVesenb. parat eod. n. 4. in loco domi-*  
*cilij heredum scriptorum institui debere dicitur.*

#### LXXI.

Moribus tamen hodiernis actio hæc non tantùm in  
loco domicilij, sed etiam hereditatis sitæ, aut, si ea sit di-  
spersa, ubi major ejus pars est, institui potest *VVesenb. parat.*  
*C. ubi de heredit. sive possessor ibi reperiatur sive non, idque*  
*ex regula generali, quæ est in d. l. fin. C. ubi in rem act. Vult. d.*  
*l. n. 28. Quod si pluribus in locis hereditas jaceat, & metu-*  
*atur, ut sententia in loco majoris partis hereditatis lata*  
*alibi executioni facilè detur, commodius agitur, si ob*  
*causæ continentiam omnium judicum, in quorum territo-*  
*riis res hereditariæ constitutæ sunt, proximè supremus a-*  
*deatur Bald. in l. un. C. ubi de heredit. in fin.*

#### LXXII.

Ex Dominio Rei vindicatio oritur, quæ in lo-  
co rei sitæ proponitur *l. fin. C. ubi in rem act. nec interest, n. o-*  
*bilis an immobilis res sit quæ petitur l. 10. de R. V. l. quod le-*  
*gatur 38. ff. de indic. suo an alterius nomine reus possideat*  
*l. 9. de R. V. item possideatne adhuc, an dolo possidere de-*  
*sierit l. 38. ff. eod. Hic enim fictione juris pro possessione*  
*dolus est à parte rei Bach. vol. 2. disp. 25. rh. 1. lit. H. & actio*  
*hoc casu non tam est directa, quam utilis, daturq; magis*  
*propter*



propter odium Rei, ut pœnam det malitiæ, quàm ex natura domini. Vnde reus, qui dolo possidere desiit, æstimationem rei solvens non liberat verum possessorem *l. 95. §. dolo. 9. ff. de solut.* sed petitor nihilominus rem à possessore repetere potest *l. 69. de R. V.* Eadem ratio est Servitutis tam realis quàm personalis, actionumque exinde descendendum, Confessoria & Negatoria.

LXXIII.

Ex Pignore quoque seu Hypothecâ actio realis oritur hypothecaria, dativa magis quàm nativa, quæ Creditoribus ad pignus, Prætorio pacto constitutum, persequendum competit *§. item Serviana, 7. Inst. de act.* poteratq; olim adversus quemvis possessorem, & ita indistinctè in loco rei sitæ institui, non habita ratione eius qui rem possideret, ipse debitor sit, an alius *l. persecutiōe, 24. C. de pignor. l. 3. C. ubi in rem act.* Sed postquam hoc mutavit Imperator Iustinianus *Nov. 4. c. 2.* ex eaq; desumpta *auth. hoc si debitor. C. de pignor.* constituitque, ut adversus tertium possessorem actio hypothecaria prius non daretur, quàm actio personalis adversus ipsum debitorem, eiusque, si intervenisset, fideiussorem mota fuerit; non nisi excusso debitore eiusq; fideiussore in loco rei sitæ proponi hodie potest *arg. d. Nov. 4. c. 2. d. auth.*

LXXIV.

Fallit tamen hoc duobus casibus. 1. quando actio hypothecaria ante rem alienatam adversus debitorem est mota, & ita res facta litigiosa *Nov. 112. c. 1. vers. ab hoc autem. auth. litigiosa C. de litigios.* quod per solam citationem (in Camera præsertim) fieri dicitur *Vvesenb. parat. de litig. m. c. d. causa citationi inserta, eaq; reo ante alienationem tradita sit Sichard. ad d. auth. litigiosa C. de litigios.* 2. quando Creditor possessionem rei, ex causa pignoris ab ipso debitore ab initio sibi tradita, amisit: tum enim hypothecariâ adversus quemvis possessorem uti, eamq; in loco rei

E

sitæ



litæ intentare non prohibetur, *Neguz. de pignor. p.1. pr. n.7.*  
*Bachov. tr. de action. disp. 3. th.17.*

LXXV.

Quod autem ex *l.3. C. ubi in rem act.* dictum est: actionem realem in loco rei litæ institui debere, non ita est intelligendum, quasi is locus solus intelligatur, & alius omnis excludatur; sed ita, ut etiam in loco domicilii, quem cum omnibus modis forum sortiendi concurrere, ex superioribus manifestum est, eadem proponi possit *l.19. §. fin. ff. de iudic.* & ita communis Dd. schola statuit teste *Vult. ad tit. Cod. ubi in rem act.* Solus ferè Donellus hic sese opponit *lib.17. comm.17.* qui tum demum actionem realem in loco domicilii ipsius Rei proponi posse putat, si reus consentiat, nec fori exceptione utatur, 1. quod in *d.l. fin. C. ubi in rem act.* actor jubeatur in loco rei litæ actionem realem proponere, unde concludit, non esse in ipsius arbitrio, an eandem alibi instituere velit, 2. ex *l. quod legatur, 38. de iudic. vers. si autem, ibi: etiam ibi peti debet.* ex quibus verbis firmissimum assertionis suæ fundamentum desumi posse putat, idq; maximè ex oppositione (quæ ibi proponitur) actionis in personam & act. in rem. Sed præterquam quod ejus sententia ex *d.l. fin. C. ubi in rem act.* non incommodè refutetur; minimè quoq; id ipsum ex *d. l.38.* elicitor, utpote quæ de veteri vindicationum ritu loquitur, quando sc. actor reum ex jure ad conferendam manum vocabat, quæ vindicationes non nisi in re præsentis fieri poterant *Gell. noct. Attic. 20. c. 9.* Eandem necessitatem possessioni idem affingit, ut de ea quoque tum demum in loco domicilii agi possit, si reus exceptione non utatur, idq; ex *l. un. C. ubi de possess. ibi: convenit judicare,* & ex *l. un. C. ubi de heredit.* Verùm nec hi textus id satis evincunt, cum nulla ex iis necessitas deduci possit, utpote, qui tantum de loco possessorij judicij maximè proprio loquuntur, ita tamen ut communis locus non excludatur, *Vult. ad l. un. ubi de possess. n.44.*

LXXVI.

Quartus & ultimus modus Forum sortiendi est



di est **CAUSSARVM CONTINENTIA**, quæ nihil aliud est  
quàm caussarum cohærentia & individuitas, quæ duas  
plurésve causas divelli ac separari non patitur, sed coram  
uno eodemque iudice eas terminari desiderat, *l. nulli, 10. C.  
de iudic. l. 1. & 2. ff. quib. reb. ad eund. iud.*

LXXVII.

Et quia non tantùm privatim, sed publicè etiam inter-  
est, lites finiri ac contrahi *l. 13. C. de iudic. arg. l. 4. in fin. de alien.  
iud. mut.* ideo prohibita est ab Imperatore Constantino  
caussarum cohærentium divisio *d. l. 10. C. de iudic.* adeò, ut  
non admittatur, etiamsi reus uon opponendo exceptionè  
continentiæ eandem maximè admittere velit; sed Iudex ex  
officio Actori, continentiam causæ dividere volenti, au-  
dientiam deneget & à limine iudicii eum propellat, pæ-  
naque arbitraria cum refusione expensarum insuper mul-  
ctet *d. l. 10. Mindan. de process. extr. lib. 3. c. 2. n. 3. in fin. Sichard.  
ad d. l. 10. n. ult.* Moribustamen hodiernis Iudex ex officio  
divisionem caussarum continentium prohibere non so-  
let, sed eandem fieri permittit, nisi reus exceptionem con-  
tinentiæ ante litis contestationem pro more & natura ex-  
ceptionum dilatoriæ obijciat, *c. inter monasterium, 20.  
X. de sent. & re iudic. Gail. 1. obs. 32. n. 13. Myns. 1. ob. 97. in fin.*

LXXIIX.

Caussarum itaq; continentia facit, ut quæ coram du-  
obus aut pluribus iudicibus essent peragenda, coram uno,  
eoque omnium illorum proximè supremo, proponi pos-  
sint, ob communem quam habent rationem, & quòd una  
sine alterà commodè expediri nequeat. Continentia ve-  
rò illa ex tribus potissimum causis oriri videtur: (quam-  
vis alii plures alii pauciores constituent, ut videre est a-  
pud *Mindan. de process. lib. 3. c. 2. Menoch. de arbitr. iud. quest.  
cas. 371. Gail. 1. obs. 32.*) 1. **EX REBUS** quæ petuntur.  
2. **EX PERSONIS** adversus quas agitur, 3. **EX  
NATURA ET INDOLE ACTIONVM SEV IUDICI-  
ORVM**, quæ intentantur.

E 2

Ex



## LXXIX.

*EX REBUS* Continentia oritur, quando res, quæ unâ actione peti possunt in diversis quidem territoriis sitæ, unius tamen iudicis jurisdictioni subjacent. Hic enim ne causæ continentia dividatur non singuli singulorum territoriorum iudices, sed eorum omnium proximè supremus adiri debet *d. l. 10. C. de iudic. ibiq. Dd.* Ita, si res hereditariæ aut communes partim Brunsvigæ partim Helmæstadl jaceant, in iudicio proximè superiori, Aulâ sc. Principis aut Cancellaria, vorm Hoffgericht oder Cangeley/ si verò partim Brunsvigæ, partim Magdeburgi sint sitæ. in aulâ Imperatoris aut Camera Imperiali hereditatis petitio aut communi dividendo iudicium institui debet *arg. l. 1. § 2. ff. de quib. reb. ad eund. iudic.*

## LXXX.

Atque hoc dubio caret, quando res, quæ petuntur, merè sunt allodiales; si verò nonnullæ earum sint feudales, ut, si quis omnia sua bona tam allodialia quàm feudalia creditori oppignoret, quorum illa quidem in Episcopatu Bremensi, hæc verò in Comitatu sint Schaumburgico, indeque dependeant, an locus sit continentia causæ, ita ut actio hypothecaria in Camera Imp. proponi possit, an verò in singulis territoriis eadem moveri debeat, quæritur? Distinctione res expedienda videtur: aut enim (1) lis vertitur inter duos pluresve vassallos; aut (2) inter Dominum & Vasallum; aut (3) inter Vasallum & extraneum; aut (4) inter Dominum & extraneum. Prioribus duobus modis, cum nec aliàs, si de re feudali tantùm controversia esset, ea ad iudicem ordinarium, sed primo modo ad Dominum feudi, *2. Feud. 55. §. præterea*, altero ad pares curiæ, id est, reliquos Domini Vasallos pertineret *d. t. § 1. Feud. 10.* per continentiam causæ ad ordinarium iudicem devolvi nequit, ne Domino præjudicium ac damnum creetur. Posterioribus verò modis continentia causarum locum esse, rectè statuitur. Cum enim his casibus si simplex quæstio de feudo incideret, ea coram iudice ordinario ventilanda esset



esset, propterea, quòd cessante hìc dispositione juris feudalis jus civile scriptum sequamur *arg. 2. Feud. 1. §. strenuus. Rittersh. part. feud. lib. 2. c. 8. q. 28.* multò magis per connexionem causarum ad eundem pertinebit, *Mindan. de process. lib. 3. c. 3. n. 9. 10. & seqq.*

LXXXI.

In omni autem causarum continentia requiritur, ut qui prætereuntur iudices ei, qui aditur, aut ipsi subsint, aut verò eorum territoria & maximè locus rei controversæ ad eundem pertineant. Nam si unus fortè eidem subiectus non sit, neq; ejus territorium aut locus rei litigiosæ ad iudicem, qui aditur, spectet, quia negotium per viam mandati expediri nequit, continentia causæ non fundatur; veluti si res, quæ petuntur partim HalbarstadI partim Brunsvigæ, partim VVulferbyti sint sitæ: hìc enim ad iudicium Guelphicum controversia non pertinet, sed Camera Imperialis fundatur jurisdictio: aut si res partim sint in Norvvegia partim in Ducatu Megapolitano, aut partim in Holfatia partim Norvvegiâ; quibus casibus ne Camera quidem Imper. litem per causarum continentiam ad se trahere potest, sed de singulis rebus suo loco erit agendum, cum non detur, cui uterq; iudex subsit, aut ad quem utrumque territorium pertineat.

LXXXII.

Vbi nihil referre putat *Mindan. d. l. n. 6. & 7.* an res vel causæ (si de singulis seorsim ageretur) ad iudicem illum, qui propter continentiam imploratur, per appellationem devolvi aliàs potuissent; an verò ab iis qui prætereuntur, propter privilegium, quod habent, appellari nequeat. Nam & hoc casu continentia causarum locum esse idem rectè statuit, ita ut, si hereditas partim in Ducatu Brunsvicensi, partim in Electoratu Saxonico; aut partim in Electoratu Brandenburgico, partim verò in Elector. Saxon. jaceat, in Camera Imper. controversia moveri & processus impetrari queant; tum quia privilegia strictè sunt interpretanda, tum quia Principes illi omnes Imperatori subsunt.





## LXXXIII.

EX PERSONIS CONTINENTIA oritur, quoties quæ conveniuntur diversorum territoriorum personæ, unius eiusdemque causæ reæ sunt. Hæ namque ut sunt consortes litis *l. 1. & 2. C. de consort. eiusd. lit.* ita unius quoque iudicis jurisdictioni subijciuntur. Sic plures tutores vel curatores ob unitatem causæ tutelæ scil. vel curæ coram uno iudice reætè conveniuntur *l. 5. C. arbitr. tut. tut. ibiq. Bart.* & plures heredes ac socij unum adire iudicem jubentur *l. 1. ff. quib. reb. ad eund. iud.* Omnium autem reorum iudex proximè communis adiri debet, & ita in Camera observatum in causa Comitum de Hanaw contra pagorum Zdenheim & Langenheim/reisq; litis contestationem injunctam, non attentis exceptionibus dilatoriis, refert *Mynsing. 1. Obs. 4.*

## LXXXIV.

Hac ratione (1) duorum Principum subditi ob causæ continentiam in Camera conveniri possunt. Eodem (2) observato, si correi, qui conveniuntur, partim sint mediati, partim immediati imperij cives; veluti si Princeps, ejusque aut alterius Principis subditi ex una causa conveniantur, *Myns. d. 1. Obs. 4.* Nec minùs Camera Imper. fundatur iurisdictio, si omnes correi sint immediati & jus habeant Austregarum. Beneficium enim uno in loco ob causarum continentiam agendi non tantùm in favorem Rei, sed Actoris quoque, imò ob publicam utilitatem, ut contraherentur lites, introductum videtur. Neque tamen ad Austregas, (ut nonnulli volunt) hæc continentia devolvatur, ut ad easdem, si contra singulos reos seorsim ageretur, cognitio causæ vel maximè pertineret, *Mind. d. l. n. 4. 6. 7. & 8.*

## LXXXV.

Sive igitur adversus mediatum & immediatum ex connexitate causæ agatur, sive omnes qui conveniuntur sint immediati, utroque casu cessat jus Austregarum; tum ne propter Austregarum beneficium connexitas causæ dividatur,



vidatur, tum quia eiusmodi Austregæ non facilè dantur, coram quibus omnes simul conveniri possint. Atque hoc non tantùm de iis causis intelligi debet, quæ ex sui naturâ ab Austregis examinari non possunt, & quarum respectu jurisdictio Camera Imper. citra connexitatem per se fundatur; cuiusmodi sunt causæ Mandatorum sine Clausula, fractæ pacis publicæ, & similes, quæ ordine recensentur à *Gail. 1. Obs. 1. & Mindan. 1. de process. c. 20.* Verum de iis quoq; causis, quarum cognitio, si adversus unumquemq; seorsim ageretur, ad Austregas pertinet, modò eo casu, quando adversus mediatum simul & immediatum agitur, ad utrumque causa æquè pertineat; & ita in Camera observatum refert *Mindan. d. l. 3. c. 4. n. 7.*

LXXXVI.

EX NATURA ACTIONVM ET IVDICIORVM Continentia oritur (1) quando actiones ita sunt cognatæ, ut una alterius sit præparatoria: sic possessorium iudicium viam sternit petitorio *l. ordinary, 13. C. de R. V.* Interrogationes, quæ in iure olim fiebant, petitioni actoris, ut scire is possit, qua actione sibi sit utendum *l. 11. C. de petit. hered. V. Wesenb. parat. de interrog. in iure fac.* Actio ad exhibendum Rei vindicationi *l. 3. ff. de R. V.* Querela inoffic. test. petitioni hereditatis *l. 20. ff. de inoffic. test.* (2) Quando una actio alteram explicat, quod fieri intelligitur quoties ex eo negotio agitur, quod plures actiones producit, se invicem non consumentes, ut sunt, actio furti & condictio furtiva *l. 7. §. 1. de condict. furt.* Item (si servus locatus à conductore surripiatur) actio locati & furti *l. si locatum, 42. ff. locat.* His & similibus casibus ubi una actio mota est, ibi altera quoq; moveri debet, cum iudici illi de causa constet, ac proinde facilius quàm quivis alius & alteram quæstionem examinare possit *Gædd. de sequestr. poss. c. 1. n. 28.*

LXXXVII.

(3) Quando una actio alteri præjudicium infert, veluti si actione motâ quæstio incidat, quæ negotium principale aut impediatur, aut exceptione rei iudicatæ tollatur: cujus-



cujusmodi sunt actiones, quæ ex jure personarum descendunt, vocanturque præjudiciales §. *præjudiciales*, 13. *Inst. de act.* quibus decisis facili negotio & aliæ inde dependentes decidi possunt; ita si nlius alimenta perat aut sumtus studiorum, quem parens filium suum esse neget, aut filia dotem petat, quam pater filiam non agnoscat, aut si quis hereditatem jure agnationis petat, qui agnatus legitimus negetur, quæstiones exinde oriuntur præjudiciales, quibus quæritur, an quis filius, filia vel agnatus sit, ijsque decisis de reliquis facile constare potest *l. 5. pr. §. 1. 8. & 12. ff. de agnosc. & alend. lib. 1. 9. ff. de rit. nupt. l. 1. C. de ord. indic.* Hujusmodi ergò incidentes præjudiciales quæstiones coram eodem judice, cui negotium principale decidendum oblatum est, moveri debent, quamvis idem aliàs de causâ illâ, seorsim in judicium deductâ, cognoscere non possit *d. l. 1. C. de ordin. indic.*

LXXXIIX.

Atque hæc de Foro Competente ex Jure Communi. Sequitur jam porro de *FORO PRIVILEGIATO*, quod ex jure singulari & privilegio competit, daturque vel *RATIONE CAUSSARVM* de quibus agitur, vel ratione *PERSONARVM LITIGANTIVM*.

LXXXIX.

*CAUSSÆ*, quarum respectu Forum privilegiatum competit, vel sunt *SPIRITVALES & ECCLESIASTÆ*, vel *SECVLARES & CIVILES*. *ILLÆ* ad Iudicem pertinent Ecclesiasticum *c. 3. X. de Indic.* nec vel consentientibus litigantibus ad judicem secularem trahi possunt *c. 12. ex r. de for. comp.* siue principaliter in judicium deducantur, siue in causam secularem, in judicium jam deductam, incidant *Mynsing. 1. obs. 100. Bart. in l. Titia 34. solut. matr. n. 4.* siue civiles sint siue criminales *causs. 11. q. 1. per tot. Riccius. de diff. iur. civ. & Can. lib. 5. c. 4. pr.* Annumerantur verò Spirituali-



tualibus, Causſæ Matrimoniales, Decimarum, &  
quæ ſunt de jure patronatûs *c. 1. extr. de Sponſal. c. 1. extr. de matrim. c. tua nobis, 26. de decim. c. quanto, 3. extr. de indic.*  
De quibus tamen non ſemper in foro Eccleſiaſtico agitur, ſed ad magiſtratum ſecularem earum cognitio interdum ſpectat; quod contingit, quando non tam de ipſo jure ex. gr. patronatûs aut decimarum, quàm de ipſa poſſeſſione controverſia eſt. Cùm enim quæſtio de poſſeſſione ſit facti, non juris, nihil in ea ſpirituale continetur *Reink. de regim. ſec. & Eccl. lib. 3. d. 1. c. 10. n. 17. 18. & ſeqq.* Et ita in cauſis decimarum, ſi de poſſeſſione earum controverſia ſit, citationem & proceſſus appellationis in Camerâ decerni teſtatur *Gail. 1. obſ. 38. n. 1. 2. 3. 4. & 8.*

XC.

Cauſæ quoq; Matrimoniales non ſimpliciter ad forum Eccleſiaſticum pertinent. Vel enim ſunt de eſſentia ipſius matrimonii, ut ſunt, quibus agitur de contrahendo vel diſſolvendo matrimonio; vel eſſentiam ejus non concernunt, ſed tantùm occaſione matrimonii oriuntur, cujuſmodi ſunt quæſtiones: an ſententia in cauſa matrimoniali tranſeat in rem judicatam; & an ab eâ appellare liceat, de quibus *Gail. 1. obſ. 112. item, an ob nullitatem proceſſûs cauſa matrimonialis ad Cameram trahi poſſit, & ſimiles.* Prioris generis cauſæ ad Eccleſiaſticum, poſterioris verò ad ſecularem magiſtratum pertinent *Reink. d. l. Mind. de proceſſ. lib. 1. c. 10. Paurmeiſt. de Idiët. lib. 2. c. 4. n. 50. & 151. c. poſt miſerabilem 12. extr. de uſur.*

XCI.

Poſteaquam verò Jurisdictio Eccleſiaſtica, quæ olim penes Pontificios erat, per religioſam tranſactionem anno 1555. eſt ſuſpenſa, donec totum religionis negotium per amicabilem compoſitionem inter Imperatorem & ſtatûs imperij aliquando decidatur, *Receſſ. Imp. de anno 1555. S.*

F

Damit





Damit auch obberürte. Principes ac status imperii, Augustanæ confessioni addicti, cum non secularia tantum, sed Ecclesiastica quoq; jura habeant, in usq; superiorem neminem agnoscant, de causis spiritualibus ipsi hodie cognoscunt, nec ad Cameram per appellationem easdem devolvi permittunt. Peculiariora tamen & à secularibus diversa judicia habere solent, in quibus causæ spirituales examinantur, quæ ex Theologis partim & iuris constant, ac Consistoria appellantur; ut proinde hæ causæ Protestantibus hodiè mixti quodammodò sint fori, à necessitate iudicii Ecclesiastici non nihil semotæ. Imò nonnullæ earum, quæ annexæ potius sunt spiritualibus, quàm ut re verâ Ecclesiasticæ dici queant, in iudiciis merè secularibus hodie exercentur, ut de causis decimarum testatur. *Rittershus. Nov. p. 9. c. 3. n. 17.* Id quod quo minus de causis quoq; matrimonialibus, ut & illæ ad iudicem merè secularem pertineant, affirmari possit, nihil nisi contraria consuetudo obstare videtur. Quod si quis præterea aliquid sacri in matrimonialibus causis quærere velit, quasi subsit res conscientiam concernens, idem ille efficiet ut causæ usurarum, pactorum & similes, ad idem forum pertineant, cum hæ non minus quàm illæ conscientiam afficiant, & tamen in foro politico examinentur, quotidianâ experientiâ teste; unde etiam à causis matrimonialibus semper abhorruit Lutherus, prout ex verbis eius colligere licet, quæ citantur à *Riemer. Decad. 2. q. 3.*

## XCII.

CAUSSÆ SECVLARES, quæ privilegiatum forum requirunt, sunt (1) FEVDALES. Feuda autem sunt vel Regalia vel Non Regalia. Regalia sunt, Feuda Ducatus, Comitatus & alia, quæ immediatè ab Imperatore dependent, & annexam insuper dignitatem habent, *Rittershus. part. feud. lib. 1. c. 4. q. 5.* Horum feudorum causas Imperatores sibi solis reservarunt examinandas, ut constat ex *Rec. Imp. de anno 1521. pr. S. Ob auch Sachen vorfielen /*  
Sür.



Fürstenthumb/ Herkogthumb/ Graffschafften/etc. betreffend / so vom Reich zu Lehen rühren/ so einem Theil gänglich vnd endlich abgesprochen werden sollen/ deroselben Erkandtnis wollen wir vns hierin auch vorbehalten haben/ doch sonst in andern Sachen / etc. & hoc totidem verbis repetitur *Ord. Cam. part. 2. tit. 7. ubi notanda sunt verba: vnd einem Theil gänglich vnd endlich abgesprochen werden sollen; quæ judicant, tum demum ejusmodi feudi cognitionem ad Imperatorem pertinere, quando de ejus proprietate agitur & ita judicium petitorium instituitur: unde, si de possessione ejus controversia sit, ad Cameram Imperialem referri debet arg. dd. tt. 2. Ord. Cam. 21. Gail. 1. obs. 29. Reuk. ae regim. sec. & Eccles. l. 1. d. 4. c. 19. num. 69. & seqq.*

XCIIL.

Feudorum non Regalium cognitio ad Dominum spectat, si lis sit inter duos pluresve ejusdem Domini Vasallos, 2 *Feud. 55. §. præterea*. Si verò Dominus & Vasallus de feudo litigent, judices erunt pares Curia; id est reliqui ejusdem Domini convasalli 1. *Feud. 10. & 22. §. fin. d. 2. Feud. 55. §. præterea*. Cæterum si aut Domino cum extraneo, aut extraneo cum Vasallo de feudo controversia sit, cum hoc casu decisum jure Feudali non reperiatur quis iudex esse debeat, *Ritters. part. feud. lib. 2. c. 9. q. 27. & 28.* meritò juris scripti civilis dispositionem sequimur, ut iudex is sit, qui adiri aliàs potuisset, si causa feudalis nulla subesset *arg. 2. Feud. 1. §. strenuus*.

XCIIV.

(2) CAUSSÆ STATVS, quæ coram majoribus tantum Iudicibus moveri olim poterant, non item coram Arbitris & Iudicibus pedaneis *l. fin. C. ubi caus. stat. l. 32. §. 7. de recept. arbitr.* Cognoscebant autem de iis in urbe quidem Consules *l. Divus, 27. pr. ff. de liber. caus. ibiq. Gothofr. & Prætores l. 1. C. de offic. Prator.* In Provinciis verò Proconsules *t. t. de offic. Procur.* non item Provinciarum Præsides, ut ex *l. 1. C. de ord. iud.* apparet; quibus tamen id munus postea datum fuisse docent *l. 1. 3. & 5. C. de ordin. cognat. l. pen. C.*





*ne de causs. defunct. l. 2. C. de pedan. iudic. l. pen. C. ubi causs. stat. Vultei. ad l. 1. C. eod. n. 8. & seqq. & ad l. 5. eod. n. 2. & 3. Salsbolt. de Idict. th. 313. & seqq.*

XCV.

(3) CAVSSAE FISCALES, de quibus olim Procurator Cæsaris cognoscebat, sive fiscus actor esset sive reus, modò civiliter ageretur non item criminaliter, *l. ad fiscum s. C. ubi causs. fisc. ibiq. gloss. l. 1. & 2. C. si advers. fisc. restit. Vult. ad l. un. C. in quib. causs. milit. n. 11.* Hodie vero Caussæ Fiscales ad Cameram per Procuratorem fisci (vulgò Fiscalem) consilio & autoritate duorum Assessorum Cameralium defecuntur *2. Ord. Cam. tit. 20.* ubi caussæ fisci ordine enarrantur.

XCVI.

Huc pertinent (4) caussæ privilegiorum, ab ipso Imperatore concessorum, quarum cognitio ad Cameram spectat, quoties ad pœnam privilegio insertam agitur, *Gail. 1. obs. 1. n. 7.* item caussæ fractæ pacis religiosæ, fractæ pacis publicæ, caussæ litigiosæ possessionis, caussæ pignorationum, Arrestorum, & similes, de quibus ordine *Gail. 1. obs. 1. per tot. & Mandan. d. l. 1. de process. c. 20.* quæ, si uterq; litigantium immediate imperio sit subiectus, non coram Austregis, sed in Camera Imperiali proponi debent *Gail. d. l. Ord. Cam. p. 2. tit. & seqq.*

XCVII.

Forum privilegiatum, quod *RESPECTU PERSONARVM LITIGANTIVM* competit, vel Actori datur vel Reo. Actori quod datur eiusmodi est, ut eius beneficio reum coram iudice non suo convenire possit, quod citra privilegium aliàs non liceret: quo casu regula, *supr. th. 8. ex l. 2. C. de Idict. omn. iud.* proposita, quod actor forum rei sequi debeat, exceptionem



nem patitur. Ita à Constantino Imperatore in *l. un. C. quand. Imp. int. pupill.* Sancitum est, ut pupilli, viduæ, aliq; fortunæ injuriâ miserabiles agentes, si velint, reum, inferiori judice præterito, ad Imperatorem vocare possent, ita tamen; ut, si conveniantur ipsi, inviti eodem trahi nequeant *d. l. unic.* Id quod tamen hodie non amplius obtinet, utpote cum propter statum imperij mutatum Imperator neq; causas neque personas in Recess. Imp. non expressas, inferiori judice præterito, ad se trahere amplius possit, *2. ord. Cam. 1. §. fin. & 2. Ordin. penult.* Vnde ejusmodi personis in Camerâ, si judicem quendam prætereant, processus non decerni nisi in casu denegatæ justitiæ refert *Gail. 1. Obs. 1. n. 40.*

### XCIIIX.

Simile ferè privilegium studiosis in Academia Leidensi Batavorum per expressam sanctionem datum esse, ut non tantum coram Rectore Vniversitatis ipsi conveniri, sed agentes etiam alium quemvis extraneum ad eundem trahere possint, testatur *Donell. 17. comm. 20.* Idem quoque Montispeffulanorum privilegium ex *Rebuff. privil. schol. 149.* recenset *Hilligerus ad Donell. d. l. lit. E.*

### XCIX.

Forum privilegiatum quod respectu Rei competit, datur (1) Militibus, qui tam in civilibus, quam criminalibus causis coram magistro militari conveniuntur *l. 6. C. de Jurisd. omn. ind. l. 1. & 2. C. de offic. mag. milit.* quam potestatem Præfectis Prætorio antea competiisse docet *d. l. 1. de offic. mag. milit.* cujus potestas creato magistro militari in civilibus primùm, & paulatim postea in criminalibus militum causis cognosceudis diminuta est *d. l. 2. de off. mag. milit. Vult. ad l. 6. C. de Idict. & ad l. 2. C. uti de ratiocin.* (2) Personis miserabilibus, ut pupillis, viduis &c. qui extra provinciam, in qua degunt, ad judicem aliàs non incompetentem inviti trahi nequeunt *l. un. C. qd. Imper. int. pupill. vid. de quibus supr. th. 97.*

F 3

C (3) Cle-



C

(3) Clericis, qui coram Episcopo conveniuntur, si ve agatur civiliter si ve criminaliter *Auth. statuimus, C. de Episc & cler.* Quod si verò actio realis adversus Clericum instituat, & res, quæ petitur, non sit Ecclesiastica aut Spiritualis, in loco rei sitæ clericus defendere se tenetur nisi missionem in bonorum possessionem pati malit *Gail. 1. Obs. 37. n. 4. Mynsing. 1. Obs. 22. vid. supr. th. 66.*

CI.

(4) Bonarum artium Professoribus ac studiosis, in Academiis viventibus, eorumq; uxoribus, liberis & toti familiæ. Hos enim si quis convenire velit, coram eorum Magistro, id est, Rectore Academiae, aut ejus loci Episcopo, optione illis relicta, facere id ipsum tenetur. Id quod singulari clementia ab Imperatore Friderico constitutum extat in *authent. Habita. C. ne filius pro patr.*

CII.

Quamvis autem Horatius Lucius & Rebuffus in *tract. de privileg. scholar.* alique vel ultra centum privilegia ex *d. authent. Habita.* exstruere conentur, vereor tamen, ut omnia menti Imperatoris conveniant. Sanè, quantum verba præ se ferunt, apparet, tria tantum in ea contineri. **PRIMUM** est, ut Professores ac studiosi, omnisq; eorum familia ad Academias tuto se recipere, ibiq; securè habitare possint, adeoque ab omnibus injuriis tam realibus quam verbalibus tuti sint: à quibus licet jure communi satis defendantur, peculiarem tamen in hoc protectionem suam ac curam demonstrare atq; exhibere Imperator voluit. *Dis. Gloss. Sichard. & alij ad d. auth.* qui ut peculiare quid ac diversum à jure communi constituisse Imperator videatur, ad immunitatem à vectigalibus id ipsum extendunt, propterea quod Professores ac studiosi non tantum in Academiis, sed etiam in itinere immunes sint à vectigalibus.

ALTE-



## CIII.

**ALTERVM** est, ne ob alterius contractum aut delictum damnum iis inferatur: quibus verbis Pignorationes, Repressaliæ ac Arresta denotantur. Etsi enim ob denegatam justitiam adversus subditos iudicis illius, qui justitiam denegavit, pignorationes seu repressaliæ ac arresta decerni nonnunquam soleant *c. un. de iniur. in sexto Gail. de pignor. c. 2.* idem tamen ne Professoribus ac studiosis eveniat, severè *in d. auth.* est prohibitum; adeò ut is, qui eo nomine ab ijs aliquid exegerit ejus quadruplum reddere cogatur, & iudices, qui vindicare illam injuriam neglexerint, præter restitutionem quadrupli ab officio cum infamia removeantur *d. auth. in med.*

## CIV.

**TERTIVM** & maximè huc pertinens privilegium est, quod Professores ac studiosi non nisi coram Magistro, id est Rectore Academiæ, aut illius diœceseos Episcopo, optione iis relicta, conveniri possint. Per Episcopos autem hîc intelliguntur Cancellarij Academici, quibus iurisdictio Academiarum in sua diœcesi sitarum & potestas honores summos in omnibus Facultatibus, Theologicâ, Iuridicâ Medicâ & Philosophicâ conferendi olim competeat. Hodie verò cum Principes & status Imperij potestatem iurisdicendi in suis Academiis sibi vindicent, adempta ea est Episcopis tam in civilibus quàm criminalibus causis; ut proinde potestas ad Episcopum loci provocandi studiosis non amplius competat, præsertim cum ad Academias venientes Rectori juramentum præstent, quod citati coram illo comparere semper velint. Salvum tamen Episcopis diœcesanis etiamnum manet jus illud honores summos in omnibus Facultatibus conferendi, cujusmodi sunt Doctoratûs, Licentiatûs, Magisterij & Baccalaureatûs, qui unicè ab iis hodie petuntur.

## CV.

Sunt autem, ut dictum, Cancellarij Academici plerumque



rumque Episcopi illius loci, in quo Academiae sunt fixæ, aut illi qui Academias proximè accolunt. Sic Colonienfis Academia Cancellarium accepit Episcopum Cyreneniem; Heidelbergensis Præpositum V Vormatiensem; Basiliensis loci eius Antistitem; Griphsvaldensis Episcopum Camminensem; Rostochiensis Episcopum Sverinensem; Tubingensis Episcopum Constantiensem, *Sichard. ad d. auth. habita. n. 16. pr. Matth. Steph. de Idict. lib. 3. p. 2. c. 14. n. 26. & seqq. Henr. Meibom. in orat. de orig. Cancell. Acad.* Dixi plerumque: nam solent interdum Principes ac status imperij jus Cancellariatûs sibi integrum reservare, ne ob religionis diversitatem, quæ non rarò inter Episcopos & Academias esse solet, incommodum iis creetur, quod in Academia Tubingensi aliquando contigisse refert *Henr. Meibom. in d. orat. de orig. Cancell. Acad.* Ita Divus Iulius fundatur hujus Academiae, jus Cancellariatûs sibi suisque successoribus, Maximiliano II. Imperatore clementer annuente, reservavit.

CVI.

Sed cum dictum sit, Rectoribus Academiarum ex *d. auth. Habita.* jurisdictionem in suos cives competere; queri hinc ulterius potest, an hoc de civilibus causis tantum, an verò etiam de criminalibus sit intelligendum? Accursius & Bartolus, *ad d. auth.* eosq; secutus Scip. Gentilis *lib. 3. de Idict. c. 17.* non tantum jurisdictionem simplicem verum etiam criminalem (ut hodie appellari solet) seu merum imperium Rectoribus Academiarum tribuunt; moti in primis verb. in med. ferè *d. auth.* ob delictum sive debitum alterius, *it. in fin. d. auth. verb.* si litem quis eis moverit: quibus verbis etiam criminales causas intelligi putant. At verior videtur sententia negantium. Criminales enim causæ, quæ voce meri imperij denotari solent, ad eos tantum pertinent, quibus specialiter sunt commissæ; quod cum in *d. auth.* factum non sit, minus rectè eius beneficio ad academiarum Rectores pertinere dicuntur *arg. l. 1. de offic. eius.*



CVII.

Minimè ergò *ex d. auth. Habita.* Academiis merum imperium competit; sed si quod habent ex speciali illud habent concessione, prout de Academia Ingolstadiensi ac Parisiensi testatur *Scip. Gentil. de Idiēt. d. l. 3. cap. 17.* Et hoc adeo verum est, ut, etiamsi hodie Academia introducatur, omnibusque donetur privilegiis, quibus gaudent Ingolstadiensis, Helmæstadiensis ac Parisiensis, merum tamen imperium propterea ei non competat, licet enumeratæ Academiae id ipsum omnes habeant *arg. d. l. 1. ff. de offic. eius cui mand.*

CIIX.

(5) Denique Forum privilegiatum datur nonnullis personis ob dignitatis eminentiam quâ pollent præ reliquis. In his primum locum obtinet Imperator Rom. qui convenitur vel ut Archidux Austriae seu Princeps ac status imperij, vel ut Imperator & caput Germanorum: priori modo coram Austregis forum cum sortiri putant *Buxtorf. ad Aur. Bull. concl. 77. tit. 6. & Vult. ad l. 1. C. ubi Senat. vel Clar.* posteriori modo in aula sua coram com te Palatino conveniri Imperatorem debere, docet *Aur. Bull. tit. 5. §. vñd wiewol.* quod tamen in civilibus tantum obtinere tradunt. *Vult. ad d. l. 1. C. ubi Senat. & Dominic. Arum, ad Aur. Bull. c. 3. th. 45.* In criminalibus verò & quando ob male administratum imperium accusatur non ad Palatinum tantum, sed ad totum collegium Electorale negotium pertinere ijdem arbitrantur.

CIX.

Imperatorem proximè sequuntur Electores, Principes ac status Imperij, qui, licet immediatè imperio sint subjecti, non tamen in Camera Imperiali conveniri statim possunt, sed Iudices habent primæ Instantiæ privilegiatos, qui Iudices ordinationis, quasi ordinatione Camerali delegati, sive Austregæ appellantur, german. *Austräge; die-  
G weis*





weil die Reichsstände vor denselben ihre habende Streitigkeiten auf-  
tragen. 2. *Ord. Cam. 2.* Cum enim expediat plures habere  
instantias, ut, quæ in una minus deducta sunt aut probata,  
in alterâ melius deducantur aut probentur; ideo & Stati-  
bus imperij jus primæ instantiæ coram Austregis datum  
est, ne totam causam, quæ magni interdum solet esse mo-  
menti, uni iudicio, Camerae sc. Imperiali comittere cog-  
rentur.

CX.

Vbi statim quæstio oritur: An cum Austregis  
concurrat aula Cæsarea, tantumq; exclusa cen-  
seatur Camera Imperialis; an verò privilegium  
hoc primæ instantiæ Iurisdictionem non tan-  
tùm Camerae Imperialis sed ipsius quoq; aulae  
Cæsareæ cessare faciat? Prius affirmat *Tob. Paurmeist.*  
*lib. 2. de Iurisdic. c. 4. n. 132. & seqq.* eò quod Imperator pri-  
mæ instantiæ privilegia concedendo. Camerae Imp. iurif-  
dictionem tantùm coarctare, non verò eandem à se abdi-  
care voluisse videatur. Sed quia jus Austregarum lege pu-  
blica Statibus imperij datum est, ut plures haberent instan-  
tias, quibus jus suum deducere possent; & verò una tan-  
tùm instantia iis competeret, si in aula Cæsarea conveniri  
statim possent, propterea quòd iurisdicção aulae Cæs. non  
æquè ut Camerae imper. revisioni subjaceat. *ord, p. 3. tit. 53.*  
*& 54. Paurmeist. 2. de Iurisdic. c. 5. n. 57. Bender. de revis. concl. 20*  
*n. 22.* ideo veritati magis convenire videtur posterius: ali-  
oquin eveniret ut pro arbitrio tantùm & voluntate acto-  
ris privilegio hoc frui ijs liceret.

CXI.

Austregarum verò duo constituuntur ge-  
nera. Aliæ enim vocantur Conventionales sive  
speciales; Legales aliæ sive communes, *Ord.*  
*Cam.*





*Cam. p. 2. tit. 2. pr.* Conventionales seu Speciales dicuntur, quas Illustres ac Nobiles familiae peculiare sibi constituerunt, & vulgò StamAufträge / Gewilfürte / item Besondere Aufträge appellantur. De his *d. 2. ord. 2. pr.* ita constitutum exstat: Mit Rechtfertigung Churfürsten vñnd Fürsten oder Fürstlichen Geistlicher oder Weltlicher vmb Spruch vñnd Forderung / die einer zum andern herre oder gewünnet sol es also gehalten werden: welche sonderliche gewilfürte Rechtliche Aufträge gegeneinander haben / derer sollen sie sich laut dero selben gegeneinander gebrauchen.

CXII.

Legales sive Communes Austregæ vocantur, quæ ex publica imperii lege & Ordinatione Camerali competunt, de quibus *d. Ord. tit. 2. §.* welche aber dieselbe (gewilfürte seu speciales) Aufträge gegeneinander nicht hetten / etc. *nsq. ad fin. item tit. 3. 4. & 5. agitur.*

CXIII.

Non omnibus ergò jus Austregarum competit, sed iis tantum qui Imperatori immediate subsunt: quorum pro ratione subjectæ materiae tres ordines constituuntur *dd. tit. Ord.* Primus ordo est Electorum, Principum, eorumque, qui Principali dignitate sunt illustres. Secundus Prælatorum, Comitum, Baronum ac Nobilium. Tertius est Civitatum Imperialium dero Kayserlichen freyen Reichsstädten.

CXIV.

Primi ordinis qui sunt, aut invicem agunt inter se, aut conveniuntur ab iis qui in secundo vel tertio sunt ordine, aut ab iis, qui imperio mediate subsunt, iisque vel suorum ipsorum vel aliorum Principum subditis. Elector sive Princeps, Principi vel Electori, quem vult convenire, petitionem seu actionem, scriptis comprehensam, exhibere, ab eoque petere debet, ut copiam sui conveniendi faciat. Quo facto, reus intra spatium quatuor septimanarum quatuor Electores vel Principes Ecclesiasticos partim,



tim. partimque seculares nominare debet, ex quibus A-  
ctor unum in iudicem eligat, observatis insuper iis, quæ  
*Ord. Cam. p. 2. t. 2.* traduntur. Et hic electus iudex dici-  
tur Commissarius sive delegatus ipsius Imperatoris  
*d. 1. 2.*

CXV.

Quod si Elector vel Princeps à secundi vel tertii or-  
dinis personis conveniatur, hoc est, à Prælatis, Comiti-  
bus, Baronibus, Nobilibus aut Civitatibus liberis impe-  
rialibus, unum ex octo modis actor eligere potest, qui præ-  
ponuntur *d. 2. ord. tit. 4.* Idem observatur, si conveniantur  
ab iis, qui mediatè Imperatori subjiciuntur, idque pro-  
pter generalitatem text, *in S. fin. d. t. 4. 2. Ord.* vnd sollen sol-  
che Anträge der Prælaten / Grafen / Herrn / Ritterschafft vnd  
Städte in aller massen / wie die obgesetzet / auch mit den Bürgern /  
Bawern vnd andern Untertanen / gegen den Fürsten vnd Fürst-  
messigen statt haben / *Mindan. lib. 1. de process. c. 17. num. 9. Gail.*  
*1. obs. 1. num. 19.*

CXVI.

In secundo ordine sunt Prælati, Comites, Barones  
ac Nobiles, qui, si à primi ordinis personis, id est Electro-  
ribus aut Principibus conveniuntur, procedendum erit  
secundùm *tit. 3. d. Ord. 2.* Si verò inter se agant & conveni-  
antur, observandus est duplex procedendi modus *in tit. 5.*  
*d. ord. 2.* propositus. Et his duobus tantùm casibus Præ-  
latis, Comitibus, Baronibus ac Nobilibus jus Austrega-  
rum in Recess. imper. concessum reperitur. Vnde si à ci-  
vitatibus liberis aut municipalibus iidem conveniantur,  
cum eâde re in Rec. Imp. nihil sit constitutum, primam  
instantiam non coram Austregis sed in Camera Imperiali  
habent; & ita Comiti de Hohenlohe / cum à civitate impe-  
riali Winstheimb in Camera conveniretur, exceptionem  
fori privilegiati opponenti beneficium Austregarum de-  
negatum esse testatur *Mindan. d. l. 1. c. 18. n. 4.* Eâdem quo-  
que ratione *Kult. ad l. 1. C. ubi Senat. vel Clar. n. 44.* Statibus  
impe-



imperii jus Austregarum competere negat quando ab extraneo, id est, eo conveniuntur qui imperio plane subiectus non est.

CXVII.

Intertio ordine sunt civitates liberæ Imperiales, quæ, licet immediate imperio subsint, tamen, quia *dd. ll. Ordin.* de iis nihil est sancitum, jus Austregarum non habent, nisi ex speciali privilegio aut longissimi temporis præscriptione id ipsum acquisiverint, prout de civitate Argentinensi, quæ Austregas habet *Basel / Worms vñnd Bsm; Northingensi, cujus Austregæ sunt Rotenburg an der Tauber / Schwäbischen Hall vñnd Schwäbischen Werth; Memmingensi, V Vormatiensi & aliis testantur Gail. 1. Obs. 1. n. 20. Limn. l. 9. c. 5. n. 16. & Reink d. tr. l. 2. cl. 2. c. 16. n. 12.* qui præterea observandum monet, ne posterioris generis Austregæ, quæ ex speciali privilegio aut longissimi temporis præscriptione, competunt, cum Austregis primi generis, quæ dantur ex publica imperij lege, aut ordinatione imperij, confundantur: has enim aulam etiam Cæsaream excludere, illas verò cum eadem concurrere, & ita in aulâ Cæsarea anno 1629. in causa dero sâmpstlichen Pistorischen vñnd Otteraischen Erben contra Worms pronunciatû *d. l. refert.*

CIIX.

Sed quod *d. 2. Ord. 2. S. daroff sol der beschriebene / etc.* dicitur; Austregas esse Commissarios sive Delegatos Imperatoris, eiusq; autoritate iudicandi munus obire: exinde dubium oritur; an mortuo Imperatore post nominatum Iudicem, re tamen adhuc integrâ, officium iudicis sit extinctum. Et cum Austregæ iudices sunt delegati juxta *d. Ord. 1. 2. Gail. 1. Obs. 1. n. 52.* videtur eorum officium morte delegantis esse sublatum per *l. 6. ff. d. iurisdic.* Verum quia Austregæ lege publica totius imperij, adeoque ab omnibus imperij statibus dentur, regula illa: mortuo delegante cessare officium delegati: locum hîc habere nequit; sed quemadmodum Syndicus non desinit esse Syndicus,



quò minus causam universitatis agere possit, etiamsi vel maxima pars universitatis, à qua est constitutus, decesserit *l. 7. §. fin. ff. quod cuiusq. univ.* ita quoq; iudex à statibus imperij datus non desinit esse iudex, etiamsi unus & alter status non amplius superfit.

CIX.

Quænam porro causæ Austregarum cognitioni subja- ceant, non ita videtur expeditum. Sanè de civilibus eas cognoscere posse dubium non est; idq; satis innuit text. 2. *Ord. 4. pr. ibi: Warumb oder was Ursachen daß were.* Excipiuntur tamen Feudales, quæ qualem iudicem requirant, dictum est, *supr. th. 92. & 93.* Eo verò casu, quando neq; Dominus feudi neq; pares curiæ potestatem cognoscendi habent, negotium ad Austregas pertinet, modò is, qui convenitur Austregarum jure gaudeat.

CXX.

An verò causæ Criminales ad easdem pertine- ant, valde est controversum. Mindanus *lib. 1. de process. extr. c. 9. n. 1. & 2* (quem sequitur *Limnæ. de iur. publ. l. 9. c. 5. n. 63. & seqq.*) putat Austregas de criminibus etiam vigore ordinationis imperij cognoscere posse, 1. quod causæ criminales nullibi reperiantur à regula exceptæ. 2. quod *d. 2. Ord. 2.* appellatio ab Austregis ad Cameram de iis tantum causis concedatur, de quibus aliàs appellationem ordi- natio imperij permittit, *ibi: Doch sol keiner Partey die ap- pellatio vor daß Kaysersliche Cammergericht benommen seyn/ nach laut des Artikuls von den Appellationen, welche angenom- men werden sollen oder nicht/ ic.* quibus verbis causas crimi- nales intelligi putat. Vulteius contrà *ad l. 1. C. ubi Senatores, vel clar. & Heigius part. 1. q. 9. n. 51.* ad solum Imperatorem harum causarum cognitionem pertinere arbitrantur. Ve- rùm cum nullibi Austregis criminalium causarum cog- natio expresse concessa, neq; Cameræ Imperiali adempta le- gatur *d. Ord. vèdus dicendum* videtur, neque Austregis, neq;



neque soli Imperatori harum causarum cognitionem competere; sed Imperatorem concurrentem jurisdictionem cum Camera habere *arg. 2. Ord. 18. & l. 1. de off. eius.*

### CXXI.

Nec minus est controversum, quem iudicem habeant causæ matrimoniales, si de iis inter status imperii, qui Augustanæ confessioni sunt addicti, quiq; Austregarum gaudent beneficio, disceptetur; adeò ut *Vult. ad d. l. 1. C. ubi Senator. in fin.* Imperatoria decisione hoc indigere arbitretur. Sed quò minus ad Austregas earum cognitio pertineat, nec ipsius matrimonij natura, nec ipsa imperij dispositio publica, quæ *2. Ord. lit. 2. & seqq.* continetur, resistit, *Frid. Mind. de proc. l. 1. c. 10. n. 20. Vult. d. l. Limn. de iur. publ. l. 4. c. 8. n. 90. & seqq.* Ad Camera verò eas non pertinere docet Memorial de anno 1570. *Denais. de iur. Cam. noviss. §. 187.*

### CXXII.

Præterea finiri debet iudicium Austregarum spatio septimestri à die inchoati iudicij, aut, si iusta prorogationis subsit causa, ad summum intra annum & diem *2. Ord. 4. §. dieselbeneun Rächte/ & tit. 5. 2. Ord. §. 1. in fin. ibi: vor demselben nach jetziger obberürter Ordnung/ wie Churfürsten Fürsten beslaget werden sollen/ gehandelt werden; quibus verbis dispositionem, quæ d. t. 4. continetur, indigitari manifestum est. Latam verò sententiam Camera Imp. exequitur, *2. Ord. 8. §. vnd sol das Urtheil. Gail. 1. Obs. 1. n. 25. nisi fuerit ad Camera appellatum d. 2. Ord. 2.**


### CXXIII.

Cessat denique privilegium hoc Austregarum, si ei aut expressè fuerit renunciatum, ut, si reus promiserit, se non usurum fori privilegio *arg. l. pen. C. de pact.* aut tacitè, veluti



veluti si reus intra statutum tempus personas non nomi-  
net, ex quibus iudicem actor eligere possit, aut præscri-  
ptæ de Austregis ordinationi non satisfaciat, quo casu  
privilegio hoc tacitè renunciassè censetur, nec e, us con-  
tumaciam coram Austregis accusare actor opus habet, sed  
rectà ad Cameram trahere reum potest *d. 2. Ord. 2. §. fin.*  
Cessat quoque privilegium in causa fractæ pacis relig.,  
pacis item publicæ, & similibus casibus, qui enumerantur  
à *Gail. 1. O. 1. & Miud. lib. 1. c. 20.* Et tantum etiam,  
proratione instituti, de foro  
privilegiato.

SOLI DEO GLORIA.













(X2618033)


WMA











B.I.G.

Black 3/Color White Magenta Red Yellow Green Cyan Blue

Farbkarte #13

*Pub. 20. Num. 3.*

*1640, 10*

*19*

NAVGVRALIS  
COM-  
E, TAM  
QVAM  
IATO.  
CLEMENTER  
TE,  
AVTORITATE,  
CONSULTORVM  
LLVSTRI  
IDIO  
*lustrissimi Viri,*  
LOTICHII  
elloris Ordinarii,  
Decani, Dn. Præ-  
toris sui  
i,  
QVE IVRE PRIVI-  
VS DOCTORALI-  
VENDIS.  
*um proponit*  
um Hannoveranus.  
IVLEO  
vembr.  
meridianis.  
ADI,  
LLERI, Acad. Typ,  
oc XL.

